

دیوان

واقف سرابی

(نوحه)

۱

پایان : اکبر اظهري
تتور: بهروز ايماني



تبریز اول خیابان طالقانی . نشر اختر
تلفن : ۵۵۵۵۳۹۳ (۰۴۱۱) و ۹۱۱۴۱۶۶۸۹۷
قیمت : ۱۰۰۰ تومان



دیوان واقف سرابی

«نوحه»

توپلایانی: اکبر اظهري

شیر

تبریز - ۱۳۸۱

واقف سرابی، جواد، ۱۲۶۳ - ۱۳۲۶ ق.

دیوان واقف سرابی «نوحه» / توپلایان: اکبر اظهري

- تبریز: اختر ۱۳۸۱ -

ISBN 964-6756-91-3

فهرست نویسی بر اساس اطلاعات فیپا.

ترکی.

۱. شعر مذهبی ترکی -- قرن ۱۴. ۲. چهارده معصوم --

شعر. الف. اظهري، اکبر، گردآورنده.

۸۹۴/۳۶۱۱

PL۳۱۴/و۲۲۵۹

۳۱۰۰-۷۹م

کتابخانه ملی ایران

محل نگهداری:

ایچینده کیلر

۱۱ اؤن سوز
۱۴ واقف و اونون شعرلری
۱۵ میرزا جواد واقف سرابی
۱۹ پیغمبرین وفاتی
۲۲ یا علی
۲۴ حضرت فاطمه زهرا (س) - ین ماجراسی
۲۵ موسی بن جعفرین شهادتی مناسبتی ایله
۲۸ موسی بن جعفرین مصیبتی
۳۱ موسی بن جعفرین شهادتی مناسبتی ایله
۳۳ حضرت زینب (س) - ین دیلیجه
۳۵ بولیولو
۳۶ حضرت امام حسین (ع) - ین دیلیجه
۳۷ عطشان یارالی
۴۰ اولور
۴۱ یا علی هارای
۴۲ بوگئجه
۴۳ حضرت زینب «س» - ین دیلیجه
۴۵ حضرت زینب (س) - ین دیلیجه
۴۶ ائيله میسن
۴۷ باشی بلالی زینب



دیوان واقف سرابی
اکبر اظهري
ویراستار: بهروز ایمانی
شمارگان: ۱۵۰۰
چاپ اول ۱۳۸۱/۲۲۴ صفحه/ جیبی

آدرس: تبریز، اول خیابان طالقانی، روبروی مصلى، نشر اختر
تلفن: ۵۵۵۵۳۹۳ (۰۴۱۱) و یا ۴۱۶۶۸۹۷ ۰۹۱۱
شابک ۹۱-۳-۶۷۵۶-۹۶۴ ISBN 964-6756-91-3

ولایتده نه وار یارب قیامتدن علامت دیر	۴۹
امام موسی ابن جعفرین احوالاتی	۵۰
حضرت فاطمه زهرائین احوالاتی	۵۲
حضرت زینب - ین قارداشینا سؤزلری	۵۵
یا مظلوم	۵۷
حسین تشنه جگر جانب بلایه گلیب	۵۸
اوغول	۵۹
حضرت عباسین چاغریشی	۶۱
حضرت امام حسین (ع) قارداشی عباسین باشی اوسته	۶۳
حضرت علی اصغرین اوخلانماسی	۶۴
حضرت ابوالفضل - ین احوالاتی	۶۵
اولئیدی	۶۷
جناب مسلم - ین احوالاتی	۶۸
کریلا دامادی	۷۰
زینبیین	۷۲
حضرت امام زین العابدین (ع) - ین شهادتی	۷۴
حسین جان	۷۶
نینوایه یئتیشدی	۷۹
افراد	۸۳
فرات یوللارینین باغلانماسی	۸۳
بالا وای	۸۵
سو یولو باغلانماسی	۸۸

پیغمبر آغلار	۹۰
حضرت علی (ع) نین شهادتی	۹۲
حضرت زینب (س) - ین کوفه اهالی سینیه خطاب	۹۳
امام حسین (ع) - ین سؤن سؤزو	۹۴
حضرت علی اکبرین میدانا گئتمه سی	۹۶
جناب مسلم - ین احوالاتی	۹۸
اربیین گونلری	۱۰۰
جوشی	۱۰۱
حضرت زینبیین مدینه یه قایتماسی	۱۰۳
یا باب الحوائج	۱۰۴
حضرت امام حسین (ع) - ین باجیسینا سؤزو	۱۰۶
حضرت زینبیین جوابی	۱۰۷
عاشورا گونو مناسبتی ایله نوحه	۱۰۸
شیعه بئله آغلاردی	۱۱۰
علی (ع) - ین احوالاتی	۱۱۲
پیغمبرین وفاتی	۱۱۴
حضرت مسلم - ین سؤزو	۱۱۷
حضرت امام رضا (ع) - ین ماتمی	۱۱۹
گئده نده	۱۲۱
حضرت امام حسین (ع) - ین خطابه سی	۱۲۲
ائيله دی	۱۲۵
حضرت مسلم - ین شهادتی	۱۲۶
نوحه (حضرت ابوالفضل)	۱۲۸

- امام حسین (ع) ابوالفضل - ین نعشی کناریندا ۱۳۰
- جناب ابوالفضل - ین جوابی ۱۳۱
- حضرت علی اکبرین احوالاتی ۱۳۱
- حضرت قاسم - ین احوالاتی ۱۳۳
- حضرت علی اصغرین احوالاتی ۱۳۵
- حضرت علی (ع) - ین شهادتی ۱۳۷
- امامین صحابه لرینه تاپشیریغی ۱۳۸
- سوال - جواب ۱۴۱
- حضرت قاسم - ین چاغریشی (۱) ۱۴۳
- حضرت قاسم - ین چاغریشی (۲) ۱۴۵
- حضرت علی اکبر اوچون ۱۴۷
- عاشورا ۱۴۹
- حضرت علی اکبرین چاغریشی ۱۵۲
- عاشیقی ۱۵۳
- باجیم آغلا سین ۱۵۴
- اوسته ۱۵۶
- ای علی اکبر ۱۵۸
- ای فرات ۱۶۰
- فریاده گل گیلن ۱۶۲
- او درگاه ۱۶۳
- عباس - ین محبتی ۱۶۴
- حضرت عباسین اوره ک سؤزلری ۱۶۶
- حضرت عباسین چاغریشی ۱۶۸

- سنین ۱۷۱
- حضرت حسین (ع) - ین جوابی ۱۷۲
- امام حسین (ع) - ین سؤن امری ۱۷۴
- زینب (ع) - ین احوالاتی ۱۷۶
- عاشورادن سونرا ۱۷۸
- گئتمه لی یم ۱۸۱
- گئده لر ۱۸۲
- خیمه لرین غارتی ۱۸۳
- باجی ۱۸۶
- حضرت زینبین احوالاتی ۱۸۸
- بلالی زینب ۱۹۰
- حضرت قاسم - ین یار دیم ایستمه سی ۱۹۱
- قیامت اولور ۱۹۴
- امام حسین باره ده بیرروایت ۱۹۶
- زید نساج - ین احوالاتی ۲۰۲
- زینبا ناله مکن خواهر اگریه مکن ۲۱۳
- حضرت زینب شامدا ۲۱۴
- حضرت علی نین ضربت لنمه سی ۲۱۷
- حضرت موسی ابن جعفر ۲۱۸
- امام حسین (ع) عباسین باشی اوسته ۲۲۲
- عباسین جوابی ۲۲۳

تشکر و قدر دانلیق

بوکتابین حاضیرلارناماسیندا اکبر اظهاری، حمید فرشی، رحمت لیک خلیل اظیری، محمد حامدزاده، یحیی باغبان جاوید، داود عامل و عنایت واقف هابثله مسعود قلی پور، محمد عبادی قاراخانلو جنابلاریندانکی، هامیسی زحمت چکمیشلر تشکر و قدر دانلیق اولور.

اختر نشریاتی

اؤن سوز

آدی دیللمده گزه، اثرلری بو گونه کیمی ایشیق اوزو گورمه یین شاعرلردن بیری ده سارابلی میرزه جواد واقف دیر. او ۱۲۶۳ - نجی هجری قمری تاریخینده ساراب شهرینده آنادان اولموش و اوشاق ایکن آتاسینی الدن وئرمیشدیر. اونون بؤیویوب باشا چاتماسیندا عمیسی جعفرقلی میرزانین مهم رولو اولموشدور. جعفرقلی میرزانین علمه آرتیق رغبتی اولدوغون اوچون، میرزا جواد واقف - ین علم اویرنمه سینده بؤیوک تأثیر بوراخمیشدیر.

نهایت او ۱۳۲۶ - نجی هجری قمری ایلینده حیاتی نی ده ییشمیش سارابین قدیم خانقاهیندا، ایندیکی بؤیوک امامزادا - دا دفن اندیلمیشدیر. اونون شعرلرینین اساس حیصه سینی مرثیه ادبیاتی و یا خود نوحه شعرلری تشکیل اندیر واقف - ین آدی - سانی ساراب ماحالیندا یوخ، بلکه آذربایجانین باشقا یئرلرینه، خصوصی ایله آذربایجان جمهوریتینه ده گئدیپ، چاتمیشدیر، من ۱۳۷۵ - نجی ایلین پاییزیندا باکیدا اولارکن، علم لر آکادیمی یاسیندا، اونون

ابدیم، اونونلا چوخلی شیرین خاطره لریم وارایدی، آنجاق آرامیزدا بیر نئجه ایل آیریلیق یارانیدی، اودا اکبر آقائین کرج شهرینه کؤچمه سی ایله باشلانمیشدیر. نهایت واقف شعرلرینین ایزلری، ییزی بیر داها یاخینلاشدیردی و آرامیزدا اولان دوستلوق کؤرپوسونو بیر داها گوجلندیردی. اکبر آقا اظهري وار قوه سی ایله ایللر بویو بو نفیس اثری بیرئره توپلایاراق، آغیر چتین لیک لره قاتلاشمیشدیر. اونون محکم اراده سی بویولون داوامیندان چکیندیرمه یهرک بئش آلتی ایلدن سونرا واقف شعرلرینی تامامیله بیرئره توپلاییب، اونو ویرایش ائتمک اوچون منیم اختیاریمدا قویدو. او منه چوخ اینانیردی، چونکی ایللر بویو چکدیگی زحمت چلنگینی، سند آلمادان منه تاپشیردی، من ده اونا سؤز وئردیگیم کیمی کتابی اؤز یازی قایدالاریمیز اساسیندا حاضیرلایب، ایللر بویو حسرتینی چکن مینلرجه اوخوجولاریمیزا تقدیم ائتمه یه فخر ائدیرم.

شعرلرینین اوزه رینده ایشله مه یی تکلیف ائتمیشلر واقف منیم اؤز هم یئرلیم اولسادا، اونون شعرلرینی کتاب حالیندا توپلاماق منیم کیمی ادبیات وورغونونا آرتیق چتین لیگه چئوریلدی.

یئری گلیمشکن بونودا دئمه لی ییم کی، مشهور تورکولوژ عالیم دوکتور محمد تقی زهتابی دا بو آغیر ایشی منه تکلیف ائده رک، واقف شعرینین جاماعات آراسیندا یا ییلماسینی، آذربایجان ادبیاتی اوچون ده یرلی بیر ایش حساب ائتمیشدیر من چوخ چالیشدی ماسادا واقف شعرلریندن نمونه لر اولسون بئله تاپاییلمه دیم هر بیر قاپینی دؤیوب، اوزومه باغلی، گؤروب کدرلنسم ده اومیدیمی ایتیرمه دیم. نهایت قلم دوستوم، سارابین ده یرلی شاعری حمید فرشی جنابلاری بیر شاد خبرله منی اوجالیقلارا قالدیردی اودا واقف شعرلرینین بوتونلوکله تاپیلماسی ایدی.

مجموعه نین و یا خود شعرلرین کیمده اولدوغو منی بیر داهادا سئویندیردی. دئمک واقف - ین شعرلرینی توپلایان اکبر آقا اظهري ایمیش، من اکبر آقا ایله چوخدان تانیش

واقف و اونون شعرلری

دئدیگیمیزکیمی میرزه جواد واقف ساوالان و بوزقوش داغلاری اته‌یینده یئرلشن ساراب شهرینده آنادان اولموش عؤمرونون چوخ حیصه‌سینی ایسه همین شهرده کئچیره رک، دوغولودوغو یئرده اؤز دونیاسینی عوض ائتمیشدیر.

واقف - ین یاشدادیغی دؤور آذربایجانین تاریخی بیر حادثه‌سینه تصادف ائدیلیمیشدیر. ستارخانین مشروطه حرکاتینا اوره کدن باغلی اولان بو داهی شاعر، بو خصوصدا بیر چوخ شعرلر سؤیله میش و بو انقلابین اوز یولوندان باشقا یوللارا چئوریلمه‌سینه چوخ ناراحات اولموشدور. بعضی روایت‌ه گؤره سارابلی واقف، مشروطه حرکاتی نین یاخین اشتراک چی لاریندان اولموشدور.

بیلدیگیمیز کیمی واقف یارادیجیلیغی نین اساس حیصه‌سینی ائمه اطهار (ع) باره ده یازدیغی شعرلر احتواء ائدیراونون نوحه لرینده اولان مزیت‌لر باشقا نوحه شاعرلرینده یوخدور، آخجیلیق، دولغونلوق، احساس و معنا توتومو باخمینیدان اونون مرثیه‌لری زنگین و اورژینال‌دیر.

پیمبرین وفاتی

ای شیعه وداع ائيله دی دونیانی پیمبر
دونیاده یتیم ائتمه گه زهرانی پیمبر

رحلت ائله‌ین وقتده بیر انجمن اولدو،
مشروطه طلب انجمنه پنج تن اولدو،
زهرا و علی بیرده حسین و حسن اولدو،
امر ائيله‌دی صبره شه مردانی پیمبر

بو دوردنفر آند ایچدیله اولسونلا مجاهد،
تسلیم - دن اؤزگه دئمه سین کلمه واحد،
بو شرطی یازیب اولدو خداوند اؤزو شاهد،
مؤهر ائيله‌دی، مؤهر ائتدی او طفرانی پیمبر

بو شرطی پیمبردن آلیب شاه ولایت،
ابلاغی دولاندیردی ولایت به ولایت،
محرابده جان وئرمه‌یه ائتمیشدی وکالت،
یازمیشدی گئندهن وقته بو عنوانی پیمبر

یئندی حسنه دوشمن مشروطه ائدیپ جوش،
 بو جوش خروشی ائيله دی حلم ايله خاموش
 آخرده حسین سوده الماس ائله ییب نوش،
 ائتمیشدی ازل گونده بو پیمانی پیعمبر

بیر مدت حسن دن سورا بو غائله قالدی،
 بو امری حقیقتده حسین صورته سالدی،
 یتمیش ایکی قربان ايله مشروطه نی آلدی،
 تا قالما یا تعلیقده فرمانی پیعمبر

چون شرط وفا خامس مشروطه یه یئندی،
 یتمیش ایکی جانان کئچه نی منتخب ائندی
 مجموع وئریب رأی شفاعت طلب ائندی،
 امضا آلیب قانيله قرانی پیعمبر

گلدی اؤزو میداندا دوروب یکه و تنها،
 عرض ائندی رضایم نه بلا گلسه خدایا،
 میداندا اگر دوغرویلار جسمیمی اعدا،
 اوللام بو گئجه عرشده مهمانی پیعمبر.

بیمارلیغی قویمارام اسلامه یئتیشین،
 بیماری وکیل ائيله میشم شامه یئتیشین،
 تا شامده بو ظلم سرانجامه یئتیشین،
 بو شامی صاباح ائتسه یئتمان پیعمبر.

بو شرط ايله حیدر باشی شق القمر اولدو
 زهرا قولو سیندی، حسنی خون جگر اولدو،
 جان وئردی حسین آل علی دربدر اولدو،
 جانانه فدا جان ائله ییب جان پیعمبر،

مشروطه طلب اولمادی باخسین بو اموره،
 بیر مدتی، ظلمت غلبه ائيله دی نوره،
 شرع نبوی حکم خدا گلدی ظهوره،
 ظاهر اولونور عدل ایلله دیوان پیعمبر

"واقف" دئی بو مشروطه گلیب هشت و چهاره،
 "بیخود" بو شریعتدن اؤزون چکمه کناره،
 بو شرطی دانان منکر اولور جنت و ناره،
 محشرده بو عصیان اولی کتمان پیعمبر^۱

□ □ □

یا علی

هر کیم گلییدی شام غریبانه یا علی
امداد ائدییدی زینب نالانه یا علی

قاره گئییدی خلق وئرییر سر سلامتی،
بزم عزاده شاه شهیدانه یا علی

اولموش جناب خضر بو مجلسده عرشه خوان،
مشغول دور تلاوت قرآنه یا علی

عباس ائدییدی چاک گریبان، آچیب باشین،
اجلالیلاً قوروبلا عزاخانه یا علی

دوشدو خیالیمه یئنه سلطان کربلا،
دؤندو بیر اودلانان جگریم قانه یا علی

بیر نوع کئچدی شام غریبانی زینب - ین
یوز وئرمه ییدی هیچ مسلماننه یا علی

خیمه یانیب، ائوی ییخیلیب، قارداشی اولوب
اولموش اسیر لشکر عدوانه یا علی

نه شام نه چراغ نه بیر فرش سایان،
یانمیش چادیردا گلدیلر افغانه یا علی

گلشوم بیر طرفده دوروب پاسبان اولوب،
هر سمت قالدی زینب نالانه یا علی

صبحه کیمی گزه ردیلر اطراف خیمه ده،
آغلار دیلار شهنشه عطشانه یا علی

خیردا اوشاقدی سولموش هامی رعب شمردن،
یوز قویدولار قاچاردیلار هر یانه یا علی

نازک آیاقلاری هامی اولموشدو آبله،
آماج اولوردو خار مغیلانه یا علی

حضرت فاطمه زهرا (س) - ین ماجراسی

چکیب زمانه ده ازبسکی درد و غم زهرا
جفای درد - دن اولموشدو قدی خم زهرا

پیمبرین غمی چون قدینی کمان ائله دی،
اولونجه گوزلری قان یاش تۆکوب فغان ائله دی

او غملرین اثری گریئتیشسه ایامه
ایشیق گونو اولو تبدیل سؤنده ره شامه،

گئجه - گونوز اوقده ره آه - ناله قیلدی بتول
مدینه اهلی گلیب تنگه اولدو زار و ملول

گلیلر شیر خدایه ائدیله عرض تمام
بویور چوخ آغلاماقین دختر رسول آنام

گونوزلر آغلاسا هرگه شفیعہی دو سرا،
گئجه فغانه گلیب ائتمه سین نوا زهرا

زمان صبح کیمی یاشلاییب فغان ائیلر،
اونون فغانی بیزی جمله باغری قان ائیلر

گلیب بویوردو بتوله شهشه کونین،
عمیم قیزی ائدیسن آه و ناله شیون و شین

مدینه اهلی اولوبدور تمام دل مضطر،
سین بو آغلاماقیندان شکایت ائیلرلر.

ائشیتدی فاطمه اهل مدینه نین سؤزونو،
او دمده دولدوروب اشک ایله هر یکی گوزونو

آلشیدی قلبی یانیب چکدی سوز دلدن آه
فغان شورایله سسلندی یا رسول الله

نه بی وفا ایملش اهل مدینه یا جدا،
جفا ائدیرلر من ناتوانه یا جدا،

او غملریکی منه یوز وئریب بو عالمده،
یئتیشمه یبدی بو اهل جهانه یا جدا

□ □ □

موسی بن جعفرین شهادتی مناسبتی ایله

خاموش ائدیله شمع شبستان حیدری،
زهرا ایله اولدوروبله بوموسی ابن جعفری

وار حاجتون دئی صدق ایله باب الحوائجه،
مشکل گشا ملقب ائدیله او سروری

زواردن عریضه یازین ائیله یین شفیع،
سبز بو غریبه قاسم و عباس و اکبری

یوخ الله زاد راحلیه صدق ایله آغلا سین،
تا ایسته سین رواقینه بو وقته بیزلری

زنداندا تورپاق اوسته قالیدیر جنازه سی،
نه مادر و نه خواهر و نه یار و یاوری.

بیر تخته اوسته دورد نفر حمال حمل ائدی،
تابوتیدن کناریده قالمیشدی اللری،

بو ماجرا یئتیشدی سلیمان جعفره،
امر ائیلهدی تؤکولدوله خدام و نوکری.

حمالیدن آلیبلا امامین جنازه سین،
فریاد سیدا بورویوب هفت کشوری.

غسلین وئریله عزت ایله دفن ائدیب رضا،
راضی ائدی، پیغمبر خاتون محشری.

یا فاطمه چوخ آغلاما زنداندا قیل نظر،
گور کربلاده یئتمیش ایکی نعش اطهری.

باخ بیر حسینوه، خس و خاشاک اولوب کفن،
قلبینه زخم تیر، قوجاغینده اصغری

بیر نوع ایله بدن داغیلیب، بند - بنددن،
نه باش قالیب بدن ده نه چیننده اللری.

یا فاطمه توجه ائله نهر القمه،
بیر شاخ دور یخیلمیش علی نین صنوبری

قوللار دوشوبدو بیر طرفه مشک بیر طرف،
از بس آیا قلا ییلا تانینمازدی پیکری.

شبه پیغمبرین گؤتوروب، سسله نیر باجی،
یلاده پیشواز ائیله سین گلدی اکبری

اهل حرم یئتشیدیلر نعشین قوجاقلایب،
آغلار بو حاله مادری اوخشاردی خواهری

□ □ □

موسی بن جعفرین مصیبتی

هر کیمسه ایسته سه ائده خدمت پیغمبره،
قان آغلا سین مصیبت موسی ابن جعفره.

زنجیره باغلی گوشه زنداندا اون بیر ایل،
مشغول اولوب عبادت مخلوق اکبره.

هارون بی حیا او غریبه وئریدی زهر،
چون گوردو زهر کارگر اولدو بو سروره

بیر قصر زرنکاریده نقل مکان وروب،
دیباچ رختخواب سالیلار او مضطره

زندان لباسینی چیخاریب، گزدیریپ تمام
فاخر لباس گئیدیریپ اول جسم اطهره.

امر ائیه ییب معارف بغداد جمع اولوب،
گؤرسونله قصد اولونماییب اولاد حیدره.

هر کیم باخیب، دئدی اجل ایله وفات ائده،
شاهد توتوب معارف بغدادی یکسره.

آخیره بیر طبیب فرنکی دانیشدیریپ،
وئردی نشان اوشه، کف دستین او کافره.

دؤندو دئدی بو شخص مسیحای عصردی،
آگاه دور طبابت مخلوق داوره.

اولسون قسم مسیحه بو شخصه وئریله زهر،
تأثیر زهر دیرکی قلبینی، وورموشدو چون یثره.

چون خلق گئتدی امر ائیه ییب پاسبانلارا،
کهنه لباسی گئیدیریپ اول بدر انوره.

زنجیری ووردو بوینونا، کونده آیاغینه،
زنداندا ذلت ایله سالیب دیر، همان یثره.

گتدی شکاره دۆرد نفر حمال گتدیلر،
بیر تخته اوسته ائتسین اونو حمل مقبره.

حمال گتدی نعشینی قبرین کنارینه،
بو ماجرا یئتیشدی سلیمان ابن جعفره.

باشین آجیب قاباغه دوشوب شیعه لر گلیب.
بغدادی دۆنده رییدیلر آشوب محشره

حمال الیندن آلدی ائدیپ، عزت ایله دفن
بیر خدمت ائیه یییدیلر ختم پیغمبره.

اما حسین - ین اوچ گئجه - گوندوز جنازه سی
عریان قالیدی غارت اولوب رختی یکسره

الدن دوشن وجودینه ال وئرمه دی کفن
بیمار الین، باشین، بدنین ییغدی بیر یئره

اهل قبیله تاپدیلار بیر کهنه بوریا،
فرش ائتدی قبر ایچینده او مجروح پیکره

باب الحوائجه اؤزونو "واقف" ائت دخیل،
خوشدور بو امر باخما گیلن امر دیگره

□ □ □

موسی بن جعفرین شهادتی مناسبتی ایله

خانم یا فاطمه بغداده گل آشوب محشردی
قورو یئرده وئره ن زنداندا جان موسی ابن جعفردی

نظر قیل ظلم هارون الرشیده، گل، گیلن درده،
وئریدی اوغلووا اون یئددی ایل منزل قورو یئرده
گلیب سندابن شاهک زهری دوتموشدو برابرده
دئیردی بو رطبیدن مئیل قیل یاخشی معطریدی.

قالیب زنداندا یالقیز آرزو ائیلردی جان اوسته،
گله اوغلووم رضا جانیم چیخا آه و فغان اوسته،
قویوبلا دۆرد نفر حمال نعشین نردبان اوسته،
دئیردی اهل زندان بی معین، بی برادردی.

سليمان ابن جعفر غر فهدن ائيلردى نظاره،
نه گوردوم دورد نفر حمال بير نعهه چکيب قاره
غلامه امر ائديب گئت گورگيلن کيم دير او بى چاره،
غريبه بو غريبى دفن ائدهن يوخدور محقردى.

خبر وئردى ملازيم، عرض ائديرلر اهل زنداندى،
وئريدى زهرى هارون، لخته - لخته لبلى قاندى،
آدى موسى - ي کاظم يثرب بطحايه سلطاندى،
آناسى فاطمه، جدى على، نسلى پيغمبرى.

سليمان باشينه ووردو گليب باشينه ائولادى،
دوتوب اطراف تابوتى او جالدى عرشه فريادى
صدای وا غرييادا اماما توتدو بغدادى،
گورهن شهرى دئيردى شورش محشر مصوردى.

سنى احباب يا باب الحوائج دفن ائدهن گونده،
آچيب زنجيرى بويونندان اياقندن آلب کونده،
عجب تابوت اولوب جددین حسينه تورپاق اوستونده،
کفن شمشيره تابوتى سينان، بالينى خنچردى.

سته يا سيدى چوخ ظلم اولوب هر چند دوشمندن،
گورورلر جان وئيرسن دوشمن - ين ال چکديلر سندن،
حسين - ين اللرين، باشين جدا ائتميشديلر تندن،
قاليب، اوچ گون کفن سيز، پيکرى پامال لشگردى.

سنين يا فاطمه اهل عيالين دربدر قالدى،
فلک غربتده اولدوردو سنين آرامينى آلدى،
حسين - ين سوت امر اوغلون سوسوزلوق نطق - دن سالدی
قوجاغينده او مظلومون وئرهن جان تشنه اصغردى.

□ □ □

حضرت زينب (س) - ين ديليجه

محبت عالمن گورجک اوزون پروانه يانديردى،
منيم تک يانمادى پروانه اوز عشقينده يان دوردو،
منيم درديم بو عالمده اگرچى عالم - عالم دير،
على اکبر سنين دردين منى جانندان اوسانديردى.
ياناندا خيمه لر پروانه تک، ناره يانان جسم - يم،

کمال عشقیمی خلقه بو یانماقلیق ایناندیردی.
 منیم یوخدور طناب شمردن پروانه چون زولفون،
 سالیب بازار شامه شامه تک قارداش دولاندیردی.
 بیزی قارداش نه یاخشی ساخلادین اهل تماشادن،
 باشین گورجک گلن دوردو، گندهن دوردو، باخان دوردو.
 کونول قان اولماغین سالدی یوزه آخر گوزوم یاشی،
 او گوندن تیغ منقض - دن قارا زولفونده قان دوردو.
 دولاندیم سایه تک باشین دالینجا کونلومو وئردیم،
 توتوب خاتون کیمی زولف سیاهین دالالاندیردی.
 گوزوم یاشی توکولدو کده گل آلود اولدو صحرالر،
 منیم آه و فغانیم ناقه نی قارداش دایاندیردی.
 اگر تأثیر اولا "واقف" سوزونده یاندرار خلقی،
 محبت عالمین گورجک اوژون پروانه یاندیردی.
 یقین اول دم، یزیدین مجلسینده زهر چاک اوللام،
 یزیدی گورجه یین تخت اوسته الده خیزران دوردو،
 دوشنده ناقه دن من غافله سالاری سسلردیم،
 قالیب رفتاریدن ناقه آغیرلاشدی سینان دوردو.
 دایمجا گونده ریب زجرابن قیسی ابن سعد اما،
 دوشویدور ناقه دن عمه م ائدیپ قدین کمان دوردو.
 دوشم مجنون کیمی لیلا ایله صحرايه بیلمزیم،

منی ارشاد ائدهن عشقون اولوب رمز ایله آندیردی،
 بئله جاری اولوب، اول گونو شرحه قلم یازدی،
 باشین منقد گوروب دور سول سینان او شر سینان دوردو.
 چکیلدی جار چون بزم السته غم بساطینه
 ائدیردی "واقف" و "بیخود" او بزمه نوحه خوان دوردو

□ □ □

بولبولو

گول جیلوه لندی قیلدی خریدار بولبولو،
 غنچه سالیبدی رونقه بازار بولبولو،
 گوز گورمه سه کونولده تاپیلماز بلای عشق،
 گوز دو ائدهر همیشه دل افکار بولبولو.
 بولبول گلینجه شادایدی صد حیف ناگهان،
 خار ستم یئتیشدی، ائدیپ خوار بولبولو.
 گولشن سؤلوبدو، یاسه گول یاسمن باتیب،
 گول قالدی یئرده ائتدی عزادار بولبولو.
 عرض ائله دی سکینه سنین پای بندیم،
 ائتدین علی بو چؤلده گرفتار بولبولو.

□ □ □

حضرت امام حسین (ع) - ین دیلیجه

باجی قضا گتیریب، دشت کربلايه سنی.
اسیر وئرمه یه بو شمر بی حیايه سنی

مینایه کسمه یه قربانی وئرمه ییب فرصت،
گوتوردو عرصه ی مینای کربلايه سنی

امیر سلسله نین دستگیر اولور حرمی،
امیر سلسله قیلیدیم حرم سرايه سنی

یاتاندا خیمه لریم بی نوا باجی گوتورور،
بو نئینواده ملک نی کیمی نوایه سنی

منیم یولومدا گئدیپ، شام یوللارین صبر ائت،
سنان شمر آپاریر، بزم اشقیایه سنی.

خرابه لرده بیر جان وئریر، بیر بیمار،
کیمی کفن، کیمی محتاج ائدیر دوایه سنی

سویاندا قاره لباسین شکنجه سی سیلی،
بدن یانیب، گؤروسن غرق ائده ر قرایه سنی

□ □ □

عطشان یارالی

دور ای گل پیکری عربان یارالی،
یارالی جسمووه قربان یارالی.

برادر اینجیدین قال کربلاده،
باجین زینب گئدیر شامه پیاده،
هواداریم اولور، باشین جداده،
گؤزو گریان، جگر بریان یارالی.

اولوبدور زلف ایلن مشهور زینب،
اوقانلی گؤزلریندن دور زینب،
برادر کاش اولایدی کور زینب،
بئله کیم جان وئریر عطشان یارالی؟

بو گول جسمینده قانین پیرهن دیر،
خس و خاشاک صحرالر کفن دیر،
بلاکش زینب - ین اولمز نه دن دیر؟
باشین اوسته ائدهر عطشان یارالی

یارالی گؤرمیشم چو خدور برادر،
سنین تک یارالی یو خدور برادر،
سنان و تیر دیر، اوخ دور برادر،
بو جسمی سربه سر پیکان یارالی.

توتوب اود خیمه لر اودلاندی قارداش،
نئچه طفل صغیرین یاندی قارداش،
بوگونلردن اولوم آسان دی قارداش،
چیخا جانیم، وئره مین جان یارالی.

سنین میناده وار فخرین خلیله،
او بیر قربان وئریب سن بیر قبیلله،
بو چؤلده جان وئریدیر اؤز الیله،
دوشوب یئتمیش ایکی قربان یارالی.

تماماً گلمه دین قورتاردی جانین،
بو شامی کاش اولایدیم پاسبانین،
او ظلمی ائیله ینده پاسبانین،
گلیر جدون اولور پنهان یارالی.

گئدهر دوشمن اولور بو دشت خلوت،
آنام زهرا گلیر ائتسین زیارت،
دئسه زینب هانی، ائتمه شکایت،
قالیردیم قورلادی عدوان یارالی.

قولون باغلی اسیر دل شکسته،
قضادن اولمایا ایدیم دست بسته،
وئره نده جان گله ایدیم باشین اوسته،
وئره نده جان دئیهدیم جان یارالی.

ائدیب بس کعبه مقصوده احرام،
حرمله باغلارام زولفونده احرام،
دالینجا منده گلم ای دل آرام،
قولو باغلی گؤزو گریان یارالی.

اولور

ای گۆز اوتار زولفه کؤنول وئرمه تار اولور،
تصحیف شانه دندی دوشر تار و مار اولور
دوشمه هوای عشقه سنی توتماسین هوس،
چوخ سنگلاخ عشقه دوشن سنگسار اولور.
اول قدمده مرحله سی پای دار اولور،
بو پای داره، صبر ائله یین پایدار اولور،
قلیم سنین او حالتیوه یاندی یا حسین،
کیم سن کیمی جفای بلایه دوچار اولور.
ایستر سوار اولا تۆکولور ال - ایاقینه،
ساکت ائدییدی اهل - عیالین سوار اولور.
گه شیرخواره طفلی قوجاغیندا، اوخلانیر،
سمت خیامه گلمه دیکده بوگون شرمسار اولور.
یوسف لقا جوانینی میدانده گؤنده ریر،
گرگان شام و کوفه الینده شکار اولور.
یانسین دیلیم او دل آچاندا دئییردی حق،
ناحق یئرہ بلا اوخونا زخم دار اولور.
گول پیکری قوم اوسته دوشوب بی کفن قالیر،

باشی جدا باشیندا گئدر سنگسار اولور.
گئتدیم یولوندا شامه کیمی منزل اولمادی،
بیر طفل نازنینه غریبه مزار اولور.
شام ایچره شام سیز قالی زینب خرابه ده،
اول بی کسه شمات دوشمن نثار اولور.
واقف بو شام محبتینی ائت گیلن تمام،
اهل عزانی شور توتور بی قرار اولور.

□ □ □

یا علی هارای

خیمه لر یانیب، کوفه یه طرف کؤچدوکاروان یا علی هارای.
قتل گاهده دین ائوین بیخار ایندی معاویان یا علی هارای.
باغلابیب بیزی شمر قول - قولاً، کوفه یه طرف دوشدولر یولا،
قویما زینب بین دستگیر اولا، ائله یه فغان یا علی هارای
ائتدی اوغلوون فرقه ی ستم، ظلم ایلن ایکی قوللارین قلم،
گؤرنه زینب - بین قامتین بو غم، ائله ییب کمان یا علی هارای
دوغراییبه یلار جسمینی عدو، باشینی کسیب وئرمه یبله سو،
اوغلون ائله ییب قان ایلن وضو، تشنه وئردی جان یا علی هارای

خارایله اولوب، گول مقابله، اولدو عشرتون بند سلسله،
اهل بیتوه شمر و حرمله اولدو پاسبان یا علی هارای.
آغلار اصغر شیرخواره سی، قانیلن دولوب گاهواره سی،
خیمه نین اوجالمیش شراره سی، قالمادی نشان یا علی هارای

□ □ □

بو گئجه

شیعه لر سالدی یئنه عالمه غوغا بو گئجه،
آغلار اؤز اوغلونا صدیقه ی کبرا بو گئجه.

اهل بیتی وطنندن فلک آواره سالیب،
نینوا ایچره نوا زینب بی چاره سالیب،
نوعروسون چیخاریب زیورینی یاده سالیب،
اهل بیت اولدولار آماده غوغا بو گئجه.

هر آنا اوغلونو آغوشه آلیب حیرت ایلن،
هر باجی قارداشینی دیندیری چوخ نیت ایلن،
صبح اولونجاق گئجه نی ناله قیلیب شدت ایلن
آغلار اؤز اوغلو علی اکبر، لیلا بو گئجه.

گولشن فاطمه سولدو یئتیشیب فصل خزان،
پاسبان اولدو علی عترتینه شمر سنان،
زینب عرض ائيله دی ای قیزلاری سرگشته قالان،
نئيله ییم السیز، آیا قسیزلارا آیا بو گئجه؟

اهل بیت - یین بو گئجه دؤره سینی دوشمن آلیب،
خوفدن آل علی واله و سرگشته قالیب،
شهدا قیزلارینین رنگی عطشدن سارالیب،
آز قالیب شور قیامت اولا برپا بو گئجه.

□ □ □

حضرت زینب «س» - یین دیلیجه

گل زینب - یینه شام غریباندی برادر،
دوشمن ووروب اود، خیمه لریم یاندی برادر

میدانه گئدنده، سنه عرض ائتدیم: اماندی!
تایشرما عیالین منه بیر داغ نهاندی،
بیر فرقه داغیلدی چؤله بیر فرقه سی یاندی،
زینب اوره یی غصه دن اودلانندی برادر.

حضرت زینب (س) - ین دیلیجه

امر ائيله علمداره علم آلسين اله قارداش،
زینب قالیب آواره حمایت ائيله قارداش،

قارداش بو گئجه زینب ائدیب شام غریبان،
باشون گئده جکدیر بیلیرم خولی - یه مهمان،
قوی من بویانان خیمه ده یالقیز ائدیم افغان،
سن بو گئجه، زهرا ایله خلوت ائله، قارداش.

دوشمن ووروب اود خیمه لری ائله دی غارت
قالدی اود ایچینده یانیب ائولاد رسالت،
دورگل آنام اوغلو باجیوا ائيله حمایت،
اطفالی هراساندی داغیلدی چؤله قارداش.

قارداش گوزونو قویمادیلار باغلایا زینب،
باشین آلا آغوشینه بیر آغلایا زینب،
بیر نعشیوین اوستونده جگر داغلایا زینب،
قارداش چیخارار باجینی یاددان بئله قارداش؟

دوشدو بو قارابخت باجین محنت و رنجه،
ایسته ردی وئره عترتیوه شمر شکنجه،
قالدیم آرایقدا دولانان اولمادی منجه،
قمچی اثریندن اوره یم یاندی برادر.

تاراج ائله ییب خیمه لری لشگر یاغی،
غارته گئدیپ قاسم دامادین اوتاغی،
زینب ده یانیق خیمه ده دیر، یوخدو چیراغی،
اوردوی عمر سعد چیراغاندی برادر.

قارداش منی قویسایدیلار میدانله قالاردیم،
مین شور و نوا، عالم امکانه سالاردیم،
جلاد الووی قطع ائله هین وقته آلاردیم،
بوحواله آنام فاطمه گیرياندی برادر.

زینب اوئله بوجور جفادن دویا خولی،
باشین کسه بو شمر، عیالین سویا خولی،
مطبخده تنور ایچره کول اوسته قویا خولی،
جدونده بو مجلس سنه مهماندی برادر.

بو چۆلده حسین جان داغیلیب جاه و جلالین.
یکسر سۆیولوب، شمره اسیر اولدو عیالین،
زینب گئده جک شامه، حسین وار نه خیالین،
سالسین یولا، عباسیوه امر ائت گله قارداش.

□ □ □

ائيله ميسن

حسین عجب بیزی محتاج دشمن ائيله ميسن،
کول اوسته دشمن ائوينده نشيمن ائيله ميسن.

يانان چاديردا، قارا گونده زینبی قویوسان،
گئدیب محافل اغیاری روشن ائيله ميسن.

اشیتیمش قوناغین وار، بوغازیوین قانین،
لب تنوره سپیب، چوخ مزین ائيله ميسن.

یورولموسان انام اوغلو کول اوسته راحت یات،
اؤلن لرین باشی اوستونده شیون ائيله ميسن.

شکفته یاره لرین لاله و شقایقه بنزر،
بو کربلا چۆلونو، یاخشی گولشن ائيله ميسن.

او سینه ای که علوم خدایه حامل ایدی،
قوم اوسته آهن فولاده مخزن ائيله ميسن.

نه جدی واردی بیزی شمر دستگیر ائيله سین
باشین دالینجا مقصد بیزی سن ائيله ميسن.

□ □ □

باشی بلالی زینب

من زینب آدلی یام اودو باشی بلالی یام،
قارداش مصیبتینده اوره کدن یارالی یام.

بئش ایل خانیم لیق ائيله دیگیم شهره گلیمش،
ایندی حسین! منی تانیمیرلار یارالی یام.

قارداش حسین! قویوبلا منه خارجی آدی،
آما یقین بیلیرلر، پیغمبر عیالی یام.

اولسام خلوص من هارا یوز دؤندریب گئدیم،
هئچ بیلیمیرم مدینه لی یم، کربلالی یام.

باشین دانیشدیر، منی بازار کوفه ده،
خلق ازدحام ائدیله کی، من لا انالی یام.

داش باشیوه ده ییب باشیمی ائیله دیم شکست،
بیلسین له بی وفا دئییلیم، چوخ وفالی یام.

یا فاطمه دالیمجا گلیرسن سوراغیمه،
شامین خرابه سینده تاپارسان عزالی یام.

چوخ گزمیشم، چوخ اینجیمیشم چوخ، یورولموشام،
بیر مجلس یزید قالیب دیر، خیالی یام.

آهوکیمی کمنده چکیب ائتدیلر شکار،
واضح بیلیرله من حرم الله غزالی یام

یحیی دئسم جداده ائدهر شام سیری نین،
باشین دالینجا ناقه ده مریم مثالی یام.

"واقف" حسینه عرض ائله دیوان حشرده،
وئرسین جزا بو دختره من دست خالی یام.

□ □ □

ولایتده نه واریارب قیامتدن علامت دیر

ولایتده نه وار یارب قیامتدن علامت دیر؟
ولایت صاحبی قتله یئتیدیر یا قیامت دیر؟

اوگون کیم، ابن ملجم خرمن ایمانی یاندیردی،
تماماً کایناتین قطبینی ایشدن دایاندیردی،
ستونی تکیه گاه ائتدی ستون عرش یاندیردی،
ووروب ضربه باشیندان قاتلی چوخ بی مروت دیر.

سنی دفن ائیله ینده اؤز جنازه ن پیشواز ائتدین
نقاب غیبی آلاهیین الی ایله گؤر نئجه گوئتدین،
بو دونیادان جلال و عزت ایلن شوکروار گئتدین،
بو صورتدن حسین - ین صورتی بیر اؤزگه صورت دیر

سنة بو کوفه ده اجلالین ماتم قورولموشدور،
حسین آتدان دوشن ساعتده دؤردمین اوردو دولموشدور،
اونون گول جسمینه خنچرووران دوشمن یورولموشدور،
داغیلمیش سینه اوسته آت دولاندیرماق نه حاجت دیر.

سنی دفن ائیله ینده زینبه چوخ احترام اولدو،
یخیلیدی بانوان کوفه آرتیق صف سلام اولدو،
گذار ی زینب - ین بیر وقتده بازار شام اولدو،
او مظلومه یئن سنگ شماتت سرسلامت دیر.

□ □ □

امام موسی ابن جعفرین احوالاتی

فاطمه قاره سالیب باشینه فریاده گلیب
اوغلو موسایه عزا توتماغا بغداده گلیب

مصطفی نین بالا وای ناله سی عرشه اوجالیب،
مرتضی درده گلیب، اللری قوینوندا قالیب،
مجتبی ناله ایله غلغله زندانه سالیب،
انبیاء لر باش آچیب، عالم معناده گلیب.

کربلا شاهی یغیب باشینه اهل حرمین،
وئردی عباس الینه، قانه بویانمیش علمین،
ایسته دی بیرده گؤره، کونده دی زنجیر، غمین،
تازه دن امر اولونوب سید سجاده گلیب.

باش آچیب باشی نین اوستونده گلیب درده رضا،
سؤله دی سؤزونو، گلدی رضایا اطباء،
گؤز تکیکیدیر یولونا گؤزلوردو معصومه بابا،
فرقتینده، گئجه - گوندوز باش آچیب داده گلیب.

قورویئردن گؤتوروب آلدی، قوجاغه باشینی،
دوگرانان لب لرینه باخدی، تۆکوب گؤز یاشینی،
عرض ائدی، یا اطباء گتدی حسین قارداشینی،
جمله حاضر اولونوب، مشکله سقاده گلیب.

یاسینه زینب، کلثوم، قارا معجرایلن،
گلدی یئتمیش ایکی قربان یارالی پیکرایلن،
قباسم و اکبر لب تشنه، علی اصغرایلن،
پاره - پاره تۆکولن لر یئره میناده گلیب.

آه او واختان ییخیلبیدیر یئره عطشان یارالی،
 بویانیب قانه حسین پیکری عریان یارالی،
 قورو تورپاقلارین اوستونده وئریب، جان یارالی،
 خیمه دن قتلگه زینب او ائناده گلیب.

یئتیشیب گوردو، چکیب شمر دغا خنچرینی،
 یالواریب، شمره تۆکوبدور یوزه اشک ترینی،
 باغلایم قوی یارالی قارداشیمین گۆزلرینی،
 نعشینی چکمه یه بیر یانه بو صحرا ده گلیب.

قان توتان گۆزلرین آجدی دئدی بیچاره باجی،
 گل قایت خیمه یه یوخ دردیمه بیر چاره باجی،
 قاره سال، ائیله خبر، عابد بیماره باجی،
 گۆزومو باغلاماغا حضرت زهرا ده گلیب.

□ □ □

حضرت فاطمه زهرا نین احوالاتی

باد خزان یئتیشدی، گولستان حیدره،
 یئردن فغانی فاطمه نین چیخدی گۆیلره،

باطن گۆزوایله وسعت قلب بتوله باخ،
 دونیاده گۆرنه غصه چکیب، اول مخدره،

قددی دوشوب کمانه آغاردی قارا ساچی،
 آغلاردی فاطمه گئجه - گوندوز پیغمبره.

درگاهی یاندی سیندی قولو، اولدو محسنی،
 ثانی غلاف تیغ ایله ووردو ییخیب یئره.

اون سگیز ایلده، اولمادی آسوده غصه دن،
 بیر لحظه ممکن اولمادی خاتون محشره،

چکدی آغا، عم اوغلو غمین جور روزگار،
 اون بیر اوغول مصیبتی مشگلدی مادره.

اول گلیب، حسن باشین آلدی قوجاغینه،
 حسرتله باخدی زهر ایله یانمیش جگرلره.

گاهی گندییدی هوشه، رضایه عزا توتوب،
 بغداده گلدی آغلادی موسی بن جعفره.

گوردو قالیدی گوشه‌ی زنداندابی کفن،
فریاد ماتمین یثتیریب، چرخ داوره.

تؤکدو، عذاره گؤز یاشینی آچدی باشینی،
باخدی یانان جگرلره صدپاره لبلره،

اولدون غریب، هاردا قالیب، گلمه‌دی رضا؟
یوخ بیر نفر بو حالی رضایه خبر وئره.

ایندی گلیبله ماتمین وئرمیشم خبر،
زنجیره باغلی "قیرخا" یاخین قاره معجره.

یا فاطمه خیالین اولا آغلاماق ایله،
گل کربلایه، آغلا کفن سیز اولنلره.

باخ خیمه‌گاهه، ووردولار اود دوتدو عترتین،
یاندی یانان قالانلاری اوز قویدو چؤللره.

قیل بیر نظر گلنده کنار فراتیده،
قانه باتان سو مشکایله قطع اولموش اللره.

عباسی گؤر خجالت اولوبدور سکینه‌دن،
لب تشنه جان وئریب، ییخیلیب گؤرنجه یثره.

یوز قویدو قتلگاهه، گلیر خیمه‌دن فزون،
زینب نه قدری عجز ائیلهدی شمر کافره،

زهره عزیزی، دامن شمری دوتوب دئدی:
مینلرجه یاره‌لر وورولوب، هانسی پیکره.

□ □ □

حضرت زینب-ین قارداشینا سؤزلری

قربان بو خط خالینا آغلار گؤزه قارداش،
مشکلدی داها بیرده قویاق اوز - اوزه قارداش.

رحم ائت من بیچاره‌یه ای ماه شمایل،
دؤن بیر بویانان قلبه تسلی اولما حاصل،
بیلهم باتاجاق قانینا بو زولف شمایل،
هجرانینا مشکلدی سکینه دؤزه قارداش.

آلدين شه بطهادن اجازه گنده سن، سن،
قوى قد دل آرايه تماشا ائله ييم من،
قورخوم بودو سندن منى آيرى سالا دوشمن،
سندن اليمى شمر جفاكار اوزه قارداش.

گتدين اولاجاق ليلى نين احوالى پريشان،
ترک سفر ائيله باجين اولسون سنه قربان،
بيچاره سكينه نئجه گوڤسون، وئريس جان،
افغانيمى گل سالما گئجه - گوندوزه قارداش.

بیر لحظه آياق ساخلا على اکبر امان دير،
تاپشیرما منى لشگر اعدايه امان دير،
چکسن نئجه ليلايه جوان داغى يامان دير،
سالما آناوى چؤلله رحم انت بيزه قارداش.

گل خيمه يه شهزاده دويونجا گوره ليلا،
هاجرکيمى بو قامته زينت وئره ليلا،
حسرت قالاجاق صورت پيغمبره ليلا،
بى پرده رضا اولماز اولونجه گزه قارداش.

بو قلبى يانان باجينا گل بير نظر ائيله،
فرصتدى برادر نظرى مختصر ائيله،
اعدا گوڤو بو صورته دوشسه حذر ائيله
آفت يئتيشر، هاشمى خاله گوڤه قارداش.

بو سرعت ايلن عرصه ميدانه گتدير سن،
ليلانى اوغولسوز، منى قارداشسيز ائدير سن،
قارداش دئى گوڤوم خيمه يه بيرده قايدير سن؟
قربان بو سوسوز لب لره شيرين سوزه قارداش.

□ □ □

يامظلوم

ای کشته تیغ جفا یا مظلوم
لب تشنه کرب و بلا یا مظلوم

ايندى قابيب نعشى اونون صحراده،
زولفون يولار، آغلار خانم زهراده،
ايندى پيغمبر باش آچيب، معناده،
آغلاردى چون شير خدا يا مظلوم.

کرب و بلا دشتی بوگون توفان دیر،
شبه پیغمبر قانینه غلطان دیر،
شهزاده قاسم حجله سی ویران دیر،
قانه باتیب نوکدخدا یا مظلوم.

ایندی بنی هاشم باتیب آل قانه،
سقا بوگون قولسوز دوشوب میدان،
مشک اوخلانیب بایراق دوشوب بیر یانه
زینب دئییر: ابن الاخا یا مظلوم.

□ □ □

حسین تشنه جگر جانب بلایه گلیب

حسین تشنه جگر جانب بلایه گلیب،
جلال ایلن یئتیشیب، دشت کربلایه گلیب.

یئتیشدی کعبه مقصوده باغلادی احرام،
حرم امیری حرمله، حرم سرایه گلیب.

گتیردی اکبر یوسف جمالی وئرمه یه قربان،
خلیل کرب و بلا شوق ایله مینایه گلیب.

چکردی آه جگرسوز، گیزلین آغلادری،
باخاندا قارداشی عباس باوفایه گلیب.

بو یوردو قارداشینا اندرون کجاوه لری،
بو نوع امر ائله دی صاحب لوایه گلیب

حریم عصمت اوچون بیر سرای پرده وورولسون،
باخاندا گورمه یه لر قوم اشقیایه گلیب.

□ □ □

اوغول

قان ایله ائدیب بس خضاب اوغول،
قاره زولفونون ال - آیاغینی
اولمه ییب نه دن من دایانمیشام؟
وار تعجبیم نور چشم من،

حضرت عباسین چاغریشی

دوشدوخم آتدان یئره بیچاره اखा ادرک اखा،
گل بو لب تشنه یه قیل چاره اखा ادرک اखा.

کس دیلرتیغ جفا ایله منیم شهیریمی،
سالدیلار ایستی قوم اوسته یارالی پیکریمی،
باشیمین قانی آخیب، دوتدو ایکی گۆزلریمی،
قان دولوب دیده ی خونباره اखा ادرک اखा.

گئدیرم محضر جانانه حسین جان یارالی،
نه باشیم وار نه قولوم، لب لری عطشان یارالی،
گۆزلریم یولدا قالیدیر، وئیریم جان یارالی،
قیل مسرت منی دیداره اखा، ادرک اखा.

تیکمه سین گۆز یولوما گۆزله مه سین اهل حرم،
مشکیم اوخلاندی، سوگئتدی یئره یاتدی بو علم،
الی بوش خیمه لره من داخی مشگلدی گلم،
اولمادی قسمت علمداره اखा، ادرک اखा.

سینه می ائدیدی کباب اوغول
سیخ تک کئچیب، اوخ بو سینه دن،
ائیلرم حیا سۆزلریم ادب،
ای سلاله ی ابطحی نسب،
ائتمرم داخی اضطراب اوغول
وار نه قدری بو شاه تشنه لب،
مرغ دل اونا پای بسته دیر،
یوزده کاکلین دسته - دسته دیر،
شهیرین ائدی، رخت خواب اوغول
بیر کیوتر پر شکسته دیر،
عشقین آتشی جوش ائده ن زامان،
اوندا ائیلرم عکسینی نهان،
دل یانار اولار گۆز یاشیم روان،
جوشدن سالار گول - گولاب اوغول.
ای شه مظلوم خون جگر،
قیل اؤزون بو حضاره بیر نظر،
"واقف" - ه نظر سالما سان اگر،
حشرده وئرنمز حساب اوغول.

دادخواہیم ہاشمین اوستونہ گل ائیلہ ثواب،
 زینبن حالینہ یاندی اورہیم اولدو کباب،
 باش آچیق کوفہ و شامی دولانار قولدا طناب،
 گئدہ جک مجلس اشراہہ اخا ادرک اخا،

سیندیریپ اہل جفا ظلم ایلہ قارداش ہاشیمی،
 اللریم یوخدو سیلم گوزدن آخان قان یاشیمی،
 سینہمہ جان یتیشیب، بیردہ گووروم قارداشیمی،
 ائیلہیم گول یوزہ نظارہ اخا ادرک اخا.

نئچہ سرکرده اولوب قتلیمہ آمادہ گلیب،
 گل آتام شیر خدا، گوئر نئچہ فریادہ گلیب،
 ہاشمین اوستہ یولار زولفونو زہرادہ گلیب،
 ہر طرفدن کسلیب چارہ اخا ادرک اخا.

□ □ □

حضرت امام حسین (ع)

قارداشی عباسین ہاشی اوستہ

دور ای ماہ بنی ہاشم ابوالفضلیم علمداریم،
 منیم غیرتلی قارداشیم ابوالفضلیم علمداریم،

مواساتین تمام ائتدین، منی یالقیز قویوب گئتدین،
 عجب مطلوب - ینا یتدین، ابوالفضلیم علمداریم،

یولومدا جانیدن کئچدن، اولورسن تشنہ سو ایچدین،
 فراتین اوستونہ دوشدون ابوالفضلیم علمداریم.

قاریشدی قانہ گوئر یاشین، گووزون آج گلدی قارداشین،
 عمودایلہ سینیب ہاشین، ابوالفضلیم علمداریم.

ہاشین آغوشیمہ آلام، شرارہ عالمہ ساللام،
 گئدیرسن آرخاسیز قاللام، ابوالفضلیم علمداریم.

سکینہ سو یولو گوئرلر، قوجاغیندا علی اصغر،
 اولان بی کسرلرہ یاور، ابوالفضلیم علمداریم.

سوسوز جان وئرمیسن بیللم، منه سو اولماسا اوئللم،
سنی تک قویمارام گللیم، ابوالفضلیم علمداریم.

سراسر پیکرین اوخدور، بدنده صاف یئرین یوخدور،
سنین دردین منه چوخدور، ابوالفضلیم علمداریم.

□ □ □

حضرت علی اصغرین اوخلانماسی

حلقی نشان، پیکان اوغول وای،
قربان راه، جانان اوغول وای.

اوخدان آچان پر لبرلی،
عـطشان اوغـول وای.
قان ایله قونداغی اولان،
الوان اوغـول وای.

وجهی نهدن دیر؟ آتدین ربابی،
آغلار قویوبسان من بینوایی،
آچ گؤزلرینی ائیله ثوابی،
ای شرخواره قربان اوغول وای.

رحم ائیلمز هئچ، بی شرم دوشمن
گل سینهم اوسته بیر راحت اول سن،
اولدوم خجالت سندن اوغول من،
شیرایله دولدو پستان اوغول وای.

سندن سورا بوش قالدی قوجاغیم،
قانه بویاندی بوال - آیاغیم،
قبره گئدینجه گولمز دوداغیم،
پیکان ده بینده خندان اوغول وای.

□ □ □

حضرت ابوالفضل - ین احوالاتی

بلا موجه گلیب داشدی، وورار قان موج دریاده،
فرات اوسته قولوم دوشدو، یئتیش یا سیدی داده.

یولوندا جانیمه خوشدور اولام صد پاره یا مولا،
دوشوب مشگیم، الیم بوشدور، گلم درباره یا مولا،
بو سون گونده یئتیش داده ائله بیر چاره یا مولا،
دوشوبدور تاب و طاقتدن توانا یوخدو سقاده.

اؤزوم محتاج دیدارم گئدیب الدن، علاجیم یوخ،
چیخا جانیم، سزاوارم حیاته احتیاجیم یوخ،
آنام یوخ، قارداشیم یوخ، باشیم اوستونده باجیم یوخ،
ایم یوخدور، گوؤزوم قانین سیلم گلسینلر فریاده.

بدندن قوللاریم دوشدو، یئره دوشدوم عقاب ایله،
یئنه قدرت تاپپ، چیخدیم عقاب اوسته شتاب ایله،
عقاب اوستن دوشونجه کارزار ائتدیم رکاب ایله
اولوب اون یئتدی سرکرده منیم قتلیمه آماده.

آچیق قالمیش باشیم نیم شق اولوب، گرزین گزندیندن،
اوزولودوم خورد خوار اولدوم عدو نعل سمندیندن،
یئتیش فریاده آیریلیمیش وجودوم بند - بندیندن،
سنی گوؤرمکدن اؤزگه بیر خیالیم یوخدو، دونیاده.

نقدری زخمده یمیش جسمیمه بو قوم ظالمدن،
فراموش ائتمیشم یکسر غم درد ملالیمدن،
نقدری وورسالار چیخماز، باجیم زینب خیالیمدن،
اولار کیم پاسبانی کوچ ائدهن وقته بو صحراده.

برادر، جان وئرهن کوی وفایه سن کیمی گلمز،
بئله قربان وئره کوی وفایه سن کیمی گلمز،
نه جان عطشان وئرهن کوی وفایه سن کیمی گلمز،
خلیل الله گلیب دورسون، تماشایه بو میناده،

نه دنیا، دم غنیمت دیر، اؤزون بیر فکر قیل "واقف!"
ابوالفضله ثناخوان اولماغیندان شکر قیل "واقف"،
سؤزون دوشمز اثردن وار توجه ذکر قیل "واقف"،
بو ذکر و فکردن بیر یاخشی نعمت یوخدو دونیاده.



اولئیدی

روادی شیعه لره گونده بیر قیامت اولئیدی،
حسین! باشین، بدنین، اللرین سلامت اولئیدی.

ده بیدی حرمله پیکانی شیعه نین اوره ییندن،
الینده اصغرین اوخلانماییدی راحت اولئیدی.

جزاگونو بیزه زنجیر آتشین وورولاییدی،
گیرهنده کوفه یه بیمار استراحت اولئیدی.

بیری اولایدی الین، ساربان الیندن آلایدی،
عیالینه سنی دفن ائیله ینده حرمت اولئیدی.

نه بانوان حرم دشت کربلایه گلئیدی،
نه مجلس ایچره خانیم زینبه شماتت اولئیدی.

□ □ □

جناب مسلم-ین احوالاتی

یئتیشدی موسم فریاد و ناله
حسین - ین نایی گلدی خیاله

جناب مسلمه ائتمک لیک افغان،
دئیلل اسکیک حسینه آغلاماقلان

حسینه ائیله ین ساعتده بیعت،
دئدی بو بیعت - یم اولسون شهادت،

حسینه چون میناده گلدی قربان،
قاباقجا مسلمی گوئنده ردی قربان.

یغیب باشه خلیل الله ثانی
دالیجا گتدی یئتمیش بیر فدانی.

گوئتوردو بایراق اسلامی اول،
ایکی نورس جوانیندان چکیب ال.

بو ایش عادت اولوب اهل عراقه،
سالار قربانینی بیرگون قاباغه،

جناب مسلمی قربان کسبلر،
باشین سو وئرمه ییب عطشان کسبلر.

ائدیبلر اول غریبی پاره - پاره،
وجودون ائتدیبلر زیب قناره.

اولن وقته اوزون دوتدو حجازه،
حسین ایله گلیب راز و نیازه،

دئیردی مگه دن چیخما کناره،
اگر چیخسان ائده رلر پاره - پاره.

ترحم قیل حسین، اهل عیاله،
عراقین عزمینی سالما خیاله.

آمان دور گلمه سمت کربلايه،
عیالین سالما سرتاسر بلایه.

بو سمته گلمه سمت یثر به گئت،
ایمان دیر، قارداشین عباسه رحم ائت.

یازار "واقف" بو شرح جانگدازی،
حقیقت وار، مجاز عشق بازی.

□ □ □

کربلا دامادی

یثره دوشنده آتیندان او نوجوان داماد
عمی دئینده جاوابین وئیردی جان داماد.

سوار اولوب شه دین ذولجناحه سرعت ایلن،
او دم یئیردی اوزون وئرمیشیدی جان داماد.

بو یوردو: یابن اخوا، یاتما خواب نازایله،
عمی یانیندا اوغول اگله شیب هاچان داماد؟

گؤروب عمیسی گلیر ایسته دی دورا ییخیلیب،
یوزون ایاغینه قویدو ائدیپ، فغان داماد

دئدی: اوغول نغجه سن؟، عرض ائدیپ عمی اولورهم،
گلیبیدی سینمه جان، قالما ییب توان داماد.

یا پیشدی قدرت ایله، آلدی باسادی سینه سینه،
ایاقلاری یئر اوزونده چکیب نشان داماد.

یارالی نعلشی گتیردی آت اوسته خیمه لره،
پیعمبر عترتینی ائتدی باغری قان داماد.

آخاردی قانی باخاردی عروسه گیزلینجه،
وئره ردی یاره لرین بیر به بیر نشان داماد.

عروسی قویمادی شامه کیمین گنده یالقیز،
جداده شامه کیمی اولدو همزبان داماد.

اوچوب هوای وصال ایله مرغ روحی دونوب،
عروسی نین خم زولفونده آشیان داماد.

یقین سوژون اثری گوندن آشکار انده جک،
بو وقته "واقف" - ه لطف ائيله سه نهان داماد.

□ □ □

زینبین

گلیب اربعینوه یا اخوا، گنده جک مدینه یه زینبین،
آتام اوغلو گتسه مدینه یه کیمه دردین دئییه زینبین.

پیمبر اهل بیتوی باشیمه نچه گون خرابه ده قالمیشام،
او لباس غارتی سر به سر دایانیب یزید - دن آلمیشام،
بیری کوینه یندی گتیرمیشم اله ایندی باشیمه سالمیشام،
گرک ایندی قاسم اوتاغینه گئییه قیرمیزی گنده زینبین.

منه شمر سلسه بند اندی، سنه ممکن اولمادی آغلایام،
دئیرم بو مطلبی، عالمی، بو شررلی آه ایله داغلایام،
باشینی ووراردیلا غرفه دن، منی گوردولر قولو باغلی یام،
باشینی کجاوه ده سیندیردیب یئتیشنده کوفه یه زینبین.

یئتیشنده فصل خزان گله، داغیدیر نجه چؤلّه بولبولو،
دوتوب آشیان خرابه ده، گتیریله محمله بولبولو،
نه قدر او بزمده ظلم اندی، گتیره مه دی دیله بولبولو،
باشینی ووراندا گلیب دیله، قاییدی، خرابه یه زینبین.

بئله حکم اندیددی علی قیزی، باش آچیق گرک گله مجلسه،
بیزی اهل شام خرابه دن، قولو باغلی چکدیلّه مجلسه،
وار ایدین اوزون دئییه بیلیمیرم، نجه مجلسه، نجه مجلسه!
دوداغیندا ضربت خیزران، گوروب اولمه دی نئییه زینبین؟

ستم خزان ایله بیرگولم، سارالیب، سولوبدو خرابه ده،
بیلیسن اوزون منه شامده، نه جفا اولوبدو خرابه ده،
قورو تورپاق اوسته وئریدی جان، او قیزین اولوبدو خرابه ده،
یولا دوشدو آغلایا - آغلایا، بالا وای دئییه - دئییه زینبین.

قورو یئر سکینه وئرنده جان، یانینا گلیب، گنده اولمادی،
نه گلیب، گندن، نجه اندیدیم او یتیمی دفن ائده ن اولمادی،
کفن ائله دیدیم اونا معجریم، دئمه بس نئییه کفن اولمادی،
گئجه صبحه دک دئییب، آغلاییب او قیزین سکینه زینبین.

غم درد زین العابدین، باجیوین چیخیب گوئی ناله سی،
دوه قارنی آندا آياقلادی، اونون هئچ یتره چیخمادی سسی،
ووروب اود، قمیش لره تؤکدولر، آلیشیب باشیندا عمامه سی،
بو علیل - وین بئله حالتی، گتیریدی ناله یه زینبین.

بو شکسته بال حرم لرین، ییغیشیدی باشیمه یا اخوا،
اولارین خیالی سالیب منی محنت و غمه یا اخوا،
وطنه گئندنه سن اولماسان دئیجه جک غمین کیمه یا اخوا،
بو عیال دربدرین سنین، نئجه ساکت ائله یه زینبین؟

نظر ائيله "واقف" و "بیخود" - ون یوزونده او قانلی جمال ایله،
قویا یوز بو وقتده قبرینه، تؤکه لر سرشکی ملال ایله،
هره بیر کمنده سالیب دخیل، اوزونو بیر اوزگه خیال ایله،
تؤکه گۆز یاشی، وورا سینیه غم دردینی دئیجه زینبین.

□ □ □

حضرت امام زین العابدین (ع) ین شهادتی

تازه دن قاره کسیلدی حضرت خیرالنسایه،
باشه سالسین قاره، گلسین ماتم زین العباده.

گولشنه آفت یئتنده، غم چکیب بولبول چمنده،
سید سجاده قیرخ ایل ناله ائیلردی وطنده،
گۆز یاشی جاری ائده ردی هر زمان کیم سوگۆره نده،
یاد ائدیپ، ایچمزدی سو، آغلاردی شاه کربلا یه.

راوی سؤیلر عرض ائده ردیم صبر ائله، یا حجت الله،
قیلدی فرمایش نه نوعی صبر ائدیپ من چکمه ییم آه،
ناطق قرآنی گۆردوم دوغرایلار، قوم گمراه،
قانله اولدوم مترجم سوره - سوره، آیه - آیه.

آچمیش ایدی کربلانی قاره سین بیچاره زهرا،
مبتلا اولدو دوباره ماتمه بیچاره زهرا،
عالم امکانه شیون سالدی باشه قاره زهرا،
ناله جانسوزی عرشه اوج ائده ردی پایه - پایه.

اولدولار اهل مدینه باخبر بو ماجرادن،
گلدیلر سجاد نعشین تئز گۆتورسونلر آرادن،
گۆردولر کیم یوخدو تابوتینده خویش واقربادن،
آه زاریله توتوبلار یوز دیار کربلا یه.

عرض ائدیلمر: یا حسین یو خدور حبیب و عون جعفر،
سید و سجاد ائدیلمر رحلت هانی عباس و (اکبر)
لطف قیلین یا حسین، یا اکبر ناکامی گؤندر،
ممکن اولسا التفات ائیه اؤزون دورگل عزایه.

"واقف" - ا، بیمار ذکری وار دیر احکام فریضه،
دافع دردو بلادیر، ضامن اولموش هر مریضه،
هر نقدری مشکل - ین گز "بیخود" اولسا یا عریضه،
چوخ مجرب دیر بو مولا ذکری، دافع دیر بلایه.

□ □ □

حسین جان

قتید ظلمدن اولوبدور زینب - ین رها حسین جان
اربعمینوه گلیب دیر، ساخلا سین عزا حسین جان

قبرین ائتمه یه زیارت ای شه مدینه گل دیم،
عترتین گلیر سلامت، من سرزمینه گل دیم،
ائیله ییب منی خجالت گلمه دی سکینه گل دیم،
ائله دیم کفن او طفله معجری قارا حسین جان.

شامده نه قدری چک دیم محنت ائتمه رم شکایت،
کوفه ده ائدردی باشین نوک نیزه ده تلاوت،
من باخا - باخا، او باشی ووردو غره دن بیر عورت،
یا حسین دئییب، ثبات و صبر اولوب، رها، حسین جان.

صبر گئتدی، عشق آلیب دیر صبر و طاقیم الیمدن،
شق ائدیلمر باشیم کجاوه قان تۆکولدو محملیمدن،
آماکی، خرابه لرده دوشمه ییب، آدین دیلیمدن،
صبح و شام اولوبدو وردیم، دیلده یا ابا حسین جان،

تنوره کول اوسته خاکسار ائدیله باشین،
گه درخت ناره وئرمیش، داره خار ائدیله باشین،
پای کوب ائدیله نعشین، سنگسار ائدیله باشین،
بیر باشیندی مین بلایه اولدو مبتلا حسین جان.

قویسالار مجاور اوللام، گئتمرم بو خاک پادن،
دوستالارا خبر وطنده، قوم و خویش واقربادن،
من نئجه دئییم حسین - ین کس دیلر باشین قفادن؟
بو سؤزو نئجه ائشیتسین خویش اقربا حسین جان.

ائیله میشدی هجر قاسم، بسکی اشک ریز عروسی،
قویمادیم گندینجه شامه ساخلادیم عزیز عروسی،
شامده "ظهیر شامی" ایسته دی کنیز عروسی،
قبر ایچینده ناله چکسین روح کدخدا حسین جان.

اکبره وئیرین اجازه شامدن حرم گلیبدر،
چیخسین ایندی پیشوازه کاروان غم گلیبدر،
عزم ائدیب گنده حجازه چوخ چکیب ستم گلیبدر،
امر ائیله گله ابوالفضل صاحب لوا حسین جان.

اهل بیتوین قولوندا باخ شکنجه طنابه،
وار یئری سلام وئرسم فائق اولمارام جوابه،
آلتی آیدی شام ایچینده منزل ائتمیشم خرابه،
باشیوی ائدیب بدنن شمر دون جدا حسین جان.

لبلره یزید ائدهنده چوب خیزران اشاره،
نطقدن دوشوب زبانییم هوش قالما ییدی منده،
صبر ائدهنمه ییب سکینه گؤزلری قالیدی سنده،
دؤندو یوز توتوب یزیده ائتدی التجا حسین جان.

زینب - ین نه قدری قارداش شامده ستم چکیبدر،
کوفه ظلمینی گؤروب دور، داغ کربلا چکیبدر،
گه غم دوی بیمار ائله ییب نوا چکیبدر،
محنت غمینده دردییم اولدو بی دوا حسین.

بو حسین غمینده "واقف" نی کیمی گلیدی درده،
مجلس عزاده "بیخود" ناله ائیلر هر گذرده،
ائیله ذکر و حسینا یا سفرده، یا وطنده،
ایسته توزلو قبرین اوسته ائیله یک نوا حسین جان.

□ □ □

نینوایه یئتیشتی

حجاز قافله سی کوچ ائدیب مینایه یئتیشتی،
حرم غزالی لری دشت نینوایه یئتیشتی.

خلیل عشق الیندن دوتوب اؤز اکبرینین،
مینای عشقده گؤرکی نئجه فدایه یئتیشتی.

ائیدی دی روز ازلدن اؤز عهدینه اقدام،
قبول عهد ائیله ییب، عهدایله وفایه یئتیشتی.

یازیلدی قتل امام زمان اوچون فرمان،
آلبیدی بو رقمی شمر بی حیا یه یئتیشدی.

کسیله قوچ، قوزو قربان، یار و انصاری،
محبت عاشقی بو شوق ایلن صفایه یئتیشدی.

اولوبدو عازم مئیدان اوژو امام زمان (عج)
گلیب مقابل اولوب یئتدی قوم بی وفایه یئتیشدی.

تمام حجت ائدی، حجت خدا بو دلیل،
نصیحت ائله ییب آخیرده بو کلامه یئتیشدی.

گلین وئرین منه یول جانب فرنگه گئدیم،
یارالی عترتیمین آهی نه سمایه یئتیشدی.

و یا وئرین بیر ایچیم سو منه کسین باشیمی،
مقام رحمه گلین، ظلم انتهایه، یئتیشدی.

کمک لایم قیریلیب یوخدو یارو انصاریم،
مینا فدالری یک جمله مدعایه یئتیشدی.

جواب وئردیلر اوچ شعبه لی خدنگ ایله قوم،
گلیب ده ییب اوره ییندن یارا، یارایه یئتیشدی.

گئدیدی سو گتیره اصغره علمداری،
دوشنده قوللاری اول دم حسین هرایه یئتیشدی.

سوار اولوبدو حسین ذولجناحه سرعت ایلن،
گلیدی مشک ایله قانه باتان نوایه یئتیشدی.

علی اکبرینی قطعه - قطعه دوغرا دیلار،
باباسینی چاغیریب، تا آتا بالایه یئتیشدی.

یخیب جنازه سینی اکبرین عبا ایچینه،
گتیدی خیمه یه آل عبا، عبایه یئتیشدی.

دئدی کناره گل ای قامتی خمیده باجی،
علی اکبریمین توی گونو عزایه یئتیشدی.

نبات نعلش کیمی اکبری آرایه آلیب،
فغان و ناله سسی قبر مصطفی یه یئتیشدی.

توی ائتدی قاسمه کرب و بلا چؤلونده حسین،
زمانی یاسه دؤنوب، تعزیت سرایه یئتیشدی.

عموسونو ییخیلاندا چاغیردی امداده،
آماندی تئز گل عمو! فرصت اشقیایه یئتیشدی.

سوار اولوب آتینا سرعت ایله گلدی حسین،
سپاهی برهم ائدیپ، نعش کدخدایه یئتیشدی.

نه گوردو پیکرین آت دیرناغی ائدیپ پامال،
مصیبتین اثری خیره‌النسایه یئتیشدی.

گتیردی خیمه‌یه دامادی ذوالجنانه اوسته،
اوغول مصیبتی معناده مجتبی‌یه یئتیشدی.

نه قدری اولسا نفس آغلایام حسینه گرگ،
حسینه آغلایا هرکیم نسه جزایه یئتیشدی؟

□ □ □

افراد

شیعه توتوبدو ماتم شیر خدایه زینب
شیر خدا غمینده گل‌میش نوایه زینب.

ایندی فغان زینب اوج ائله‌یب سمایه،
آل پیغمبر ایندی یکسر باتیب قرایه،
زینب وئریر تسلی سلطان کربلایه،
سن آغلما دوشر چوخ درد و بلایه زینب.

□ □ □

فرات یوللارینین باغلانماسی

فرمان گتیردی شمر عمر سعد کافره،
آب فراتی باغلایین ائولاد حیدره.

دؤردمین نفر موکل اولوبدور فراتیده،
سو وئرمه سینله عترت ساقی - ی، کوثره.

عباسی قویمایین سو آپارسین سکینه‌یه،
گلسه فراتین اوسته سالین قوللارین یئر.

آلسا قوجاغه اصغری گلسه، سو ایسته‌سه،
پیکان دمینده حرمله سو وئرسین اصغره.

شهزاده قاسم - ین توینو یاسه دؤندرین،
محتاج ائدین عروسینی بیر قاره معجره.

رحم ائتمه‌یین حسینه سالین تورپاق اوستونه،
نعشین آیاقلادین هامی افواج لشگره.

نامردین امری دیر، کی، ائدیب خنچره رجوع،
وورسون عقابین اوسته شبیه پیغمبره.

زینب اولاسیر، گئده شامه بی نقاب،
والاه‌ی چوخ چتیندی بو زهرای اطهره.

قوی آغلا سین حسینه علی، قاسمه حسن،
زهرا علی اصغره، پیغمبر اکبره.

تشنه حسینی اولدورون، اطفالینی سویون،
محتاج ائدین علی قیزی کهنه معجره.

□ □ □

بالا‌وای

ای اولان یوزو اؤز قانینه الوان بالا‌وای،
بورون صورت پیغمبرینی قان بالا‌وای.

نطقه گل ای گؤزومون نوری منه سؤیله جواب،
اوریمدن سنین آیریلماغینا قالمادی تاب،
کاش اولایدی فلکین گردشی، دورانی، خراب،
من باخیم سن وئره‌سن جانینی عطشان بالا‌وای.

پیکرین دوغرا دیلار قوم سراپا ولدی،
سن ذبیح اولمایان هاجر سنه لیلا ولدی،
ائله دین کرب و بلا دشتینی دنیا ولدی،
بئله قربانه بو جانیم اولا قربان بالا‌وای.

هانسى بى رحم دى بيلم سنى بو حاله ساليب،
سنى بو حاله سالان زينين آرامين آليب،
منتظردير آناوين اللرى قوينوندا قاليب،
آنا مشكلدى چكه محنت هجران بالا وای.

حسرتين قالدى اولونجه دل ليلا ده اوغول،
يتمه دين كامينا، صد حيف بو دونياده اوغول،
گورسه بو حال ايله ليلا سنى شهزاده اوغول
گوز ياشى ايله ائده جک عالمى ويران بالا وای.

سسله ميشديم قوجالان وقتيمه سرمايه سنى،
يارالى جسم ايله تاپيشرمارام اعدايه سنى،
دور گنده ک بلکه وئريم خيمه ده ليلايه سنى،
گئتمه سن ايندى گلر چاک گرييان بالا وای،

خيمه دن ديشره گليب زينب کلثوم تمام،
حرم آهوسونو صدپاره قيليب لشگر شام،
ام ليلايه باجى مزده وئرين گلدی بالام،
تازه تاپيشردى قوجا قيمده سوسوز جان بالا وای.

گلدی ليلا باشين آغوشه آليب ائتدى خطاب،
اليني کاکليني، قان ايله کيم ائتدى خضاب،
هوشه گل، بيرجه دانيشدير جگريم الدو کباب،
اينجيدير پيکرينى، ناوک پيکان بالا وای.

ام ليلايه اوغول مونس ياور دئيسن؟
ائله بيل خلقلده سن، شبه پيغمبر دئيسن،
يا منيم تازه جوانيم على اکبر دئيسن،
گوروسن من ائدرم ناله و افغان بالا وای.

آچ گوزون اغلاماغا عترت زهراده گليب،
گوزونو باغلاماغا زينب کبراده گليب،
جگرين داغلاماغا يا على ليلا ده گليب،
قلب - ينى چاک ائله ييب، خنجر بران بالا وای.

منى دؤندر على، او شن گونيمى ائيله مه تار،
چاک اولان قلب - ينى گوردوم اوره ييم دوتدو شرار،
قويما اعمالى زمانه ائده بو نوع ايله خوار،
ای اولان کاکلى، اؤز قانينه الوان بالا وای.

سو یولو باغلانماسی

ظلم ایله بوگون سو یولو باغلانندی جماعت،
زهر جگری اود توتوب، اودلانندی جماعت.

سعد اوغلونا فرمان گتیریب شمر ستمگر،
لب تشنه گرک جان وئره فرزند پیغمبر،
صدپاره دوشه قوملارین اوسته علی اکبر،
اطفال حسین، ایندی هراسانندی جماعت.

دوردمین نفره امر اولونوب کربلاده،
سو یوللارینی باغلادیلار دشت میناده،
دولدوردو فراتین یولونو، آتلی، پیاده،
اصغر عطشیندن دوتوب، اودیاندی جماعت.

والعطشا ناله سی اوج ائتدی سمایه،
غم پرده به پرده ییغیشیب عرش علایه،
بو غم اوقده ر شدت ائدی، آل عبایه،
پیغمبر رحمتده پریشانندی جماعت،

فرمایش ائدی، قارداشینا شاه شهیدان،
قارداش بو زاماندا اوژون اول عازم میدان،
سؤیله نه دی منظوروز ایا لشگر عدوان،
بو آل پیغمبر سیزه مهمانندی جماعت.

سالدیزکی، وطندن بیزی ای قوم کناره،
مین عهدایله، میثاق ایله گتدیز بو دیاره،
اینندی سالسیز، ظلم ایله آفاقه شراره،
آما بو نه دعوتدی، نه طغیانندی جماعت.

□ □ □

یارالی

مسجده عبادتده دوشوب شیعه شاه مردان یارالی،
که حسین دئیه ر جان باباجان، که حسن دئیه ر جان یارالی.
که زینب ائیلر افغان یارالی، چاک ائدیب گریبان یارالی،
حضرت ابوالفضل گزر تیغ الدهه عریان یارالی،

مرتضیٰ علی نین، باشینی ایندی زینب آغوشینه آلیب،
گول جمالی تغیر تایب زهر سببندن سارالیب،
حضرت ابوالفضل قلیچ الله، غلغله شهره سالیب،
وابا دئی قاتل ینی آختارییر پریشان یارالی.

گه سالییر حسین - یم یوزونه قان ایلن دولان گؤزلرینی،
یا ائدهر او وقت ایلن کی، چکر شمر بی حیا خنچرینی،
اهل بیته غارت ائدهر زینبین، آلاز معجرینی،
دستگیر ائدیب، شامه چکر، ناقه اوسته عریان یارالی.

گه باخیب ابوالفضل طرف، گؤز یاشینی تۆکوب شدت ایلن،
تاپیشرییر اوغول قارداشینا، خدمت ائتگیلن عزت ایلن،
کربلاده بیل کی، سالاجاق بیر الین ضربت الین،
اودتوتوب حسین - یمین دامنین، اولما چوخ پریشان یارالی.

□ □ □

پیمبر آغلار

نه ماتم دیر بوگون پیمبر آغلار،
باتیب محراب قساره منبر آغلار.

دولوبدور قان ایلن محراب طاعت،
اولوبدور گونه بریا بیر قیامت،
وئریرلر کوفه اهلی سر سلامت،
بو حاله عترت پیمبر آغلار.

اولوبدور جمع یار و یاوریندن،
عیالی اگله شیب دور بریندن،
گلیر قان یاش او قانلی گؤزلریندن،
حسینی آغلایاندا حیدر آغلار.

شهید اولدون اگر سن دفن ائدهن وار،
حنوط سدر حاضر دیر، کفن وار،
باشین اوسته حسین واردیر، حسن وار،
سالار کلثوم قارا چون معجر آغلار،

حسین - ین کربلاده قالدی سنسیز،
شهید اولدو، قالب جسمی کفن سیز،
دئین یوخ بیر غریب اولدو وطن سیز،
مسلمان یوخ او حالدا کافر آغلار.

سنى بیر زخم دیلدن سالدی، دوشمن،
حسینه دوست اولدو، قالدی دوشمن،
سالیب، آرامین الدن آلدی دوشمن،
کسندنه تشنه باشین خنجر آغلار.

□ □ □

حضرت علی (ع) نین شهادتی

ذیار کوفه ده یارب نه وار آشوب وحشت دیر،
امیر المؤمنین قتله یثیب دیر، یا قیامت دیر.

یارالی باشینی ایندی آلیب دیر، زینب آغوشه،
آچار قانلی گؤزون، گاهی باخار گاهی گئدهر هوشه،
ابوالفضله دئییر! گل - گل جمالیندان آلیم توشه،
اوزون بازولریندن بیر اوپم هنگام فرصت دیر.

دؤنر اوغلو حسینی سسله بیر ای نور عینیم گل،
بو اهل کوفه دیر، مندن سورا سندن گؤتورمز ال،
کسر بو اللرین اؤز ساربانین، بارماغین به جدل
رعیت، حتک، حورمت شامه ائتمک چوخ جسارت دیر.

گئندنده یا امیر المؤمنین قانلی جمال ایلن،
بیخیلدی باشینه، اوغلانلارین گؤتدو جلال ایلن،
حسینی دفن ائدیپ، بیمار جسم پایمال ایلن،
گؤره ر جسمینده مین دوققوز یوز اللی بیر جراحت دیر.

□ □ □

حضرت زینب (س) - ین کوفه اهالی سینه خطاب

اهل کوفه یوخ سیزده مگر بیر نفر مسلمان یارالی،
نئيله ییب منیم قارداشیمی اولدوروسوز عطشان یارالی.
وئرمه یین وئریر جان یارالی، غش ائدیپ بو عطشان یارالی.
گؤز تکیب فراتین سویونا تشنه دیر بو قربان یارالی

ابن سعده زینب توتوب اوز، گؤز یاشینی تۆکوب شدت ایلن،
من باخا باخا، قارداشیمی اولدورولر بو حالت ایلن،
هر گروه ایچینده عزتین واردی، غیرتین له بو شهرت ایلن
بو عرب دئییل، سیزده عرب، اولدوروسوز عریان یارالی

گلدی زینب آغوشینه آلا پایمال اولان پیکیرینی،
گؤردو باشین - ین اوسته چکیب شمر بی حیا خنچرینی،

سؤیله دی امان وئر او قدەر باغلاییم بونون گوزلرینی،
جان وئره ندە، آغوشه آلیم، باشینی دئییم جان یارالی.

هوشه گلدی امر ائتدی باجی قتلگاهه گلدین نئییه سن،
اهل بیتیم آواره قالیب، قالما بوردا گئت خیمه یه سن.
باشیمی کسن وقته منیم شمر بی حیا، گؤرمه یه سن،
گئت عیالیمی ییغ باشینا ائیله آه و فغان یارالی.

□ □ □

امام حسین (ع) - ین سؤن سؤزو

یارالی یام یارالی، وئر جان یارالی،
کسمه ای شمر منیم باشیمی عطشان یارالی.

کمکیم یوخ سوسوزام اوخ ده ییب چوخ سوسوزام،
هانسی مذهبه سوسوز جان وئریر عطشان یارالی.

یارالی سینتمه باخ چکمه ایله قویما ایاق،
قورو یئرده قالا جاق اوچ گئجه عریان یارالی.

آخر ای شمر دنسی، سوسوز او لدورمه منی،
منی بی حال ائله ییب بسکی گئدیب قان یارالی.

هانسی مذهبه دی بو او لدوروب وئرمه یه سو؟
مین کافر اولای بیرجه مسلمان یارالی.

شیعه لر یاده سالارلار، چوخ دئییب آغلایارلار،
اکبری تشنه، علی اصغری پیکان یارالی.

منی بو اهل عراق کوفه یه چون گتدی قوناق،
آنا یافاطمه! گل جان وئریر مهمان یارالی.

باشیمین محنتی وار، بو سفرین غربتی وار،
گئده جکدیر، بیلیرم گؤیلره افغان یارالی.

ای شه جن بشر، "واقف" - ه ائیله نظر،
دفتر الدہ آلیب هر یئرده نوحه خوان یارالی.

□ □ □

حضرت علی اکبرین میدانا گئتمه سی

یا علی گئتمه، بو میدانه اوغول
باتار اول زولف سیه قانه اوغول

ستم اهل جفادن حذرائت،
مَن سئودازده یه بیر نظرائت،
گئدینسن بیر آناوا بیر خبرائت،
سالما لیلانی بیابانه اوغول.

قورخورام گولشن عؤمرون پوزولا،
صرصر ظلم ایله گل برگی سولا،
بولبولون مسکنی ویرانه اول،
اود دوشه، صحن گولستانه اوغول.

چکمیشم من نه قدر زحمتینی،
بیچمه دیم قدینه، توی خلعتینی.
نئجه آماج گؤروم قامتینی،
نیزه و خنچر و پیکانه اوغول،

عیسوی دم منه سن همدم ایدین،
همدم محنت دردیم سن ایدین،
شبه پیغمبر خاتم سن ایدین،
شمع ائدین شمع شبستانه اوغول

سن منه قالما یا جاقسان بیلیرم،
گول جمالین دوتا جاق قان بیلیرم،
کاکل - ین قان ایله الوان بیلیرم،
گل چکیم زولفووه بیر شانه اوغول

بیلیرم عارضی نین، یاسمنی،
باتیریر آخر علی یاسه منی،
چکمه جک باش آچیق اجلاسه منی،
گئدهرم چکسه لر هر یانه اوغول.

گلمیشک بو یثره چوخ عزت ایلن،
جاه ایلن، شوکت ایلن، حرمت ایلن،
اگر ایندی منی بو حالت ایلن،
گؤرسه کافر مگر ایمانه اوغول.

گئت دایانما گؤرورم گئتمه لی سن،
دئی گؤرورم بیرده خیامه گلی سن؟
یا بو خال و خط، زولفی علی سن؟
گئدیپ الوان ائده سن قانه اوغول.

من ازل گون سنی قربان دئمیشم،
جان فدای ره جانان دئمیشم،
عارضین قان ایله الوان دئمیشم،
گوئنده ریم محضر جانانه اوغول.

باباوین دؤرون اوغول دوشمن آلیب،
غصه دن گول کیمی رنگی سارالیب،
اللری گور نئجه قوینوندا قالیب،
گورنه نؤعی گلیر افغانه اوغول.

□ □ □

جناب مسلم-ین احوالاتی

بیچاره مسلم غربت ولایت
نوش ائيله یبیدیر جام شهادت

یالقیز قالیدی، کوفه ده بیچاره مسلم
زینت اولوب گول پیکری بازاره مسلم،
اطرافین آلدی دوشمن سراسر،
قالدی آراده یالقیز او سرور.
نه دادرس وار نه یار و یاور،
یوخدور ابوالفضل ائتسین حمایت،
از بس یئتیشدی جسمینه یاره،
حددن چیخیبدیر، گلمز شماره،
آز قالدی اولسون زیب قناره،
گول جسم- یم اولسون بازاره زینت.
هر دم حسینی سسله ردی داده،
گل پادشاهیم، قالدیم آراده،
قتلیمده ائیلر بو شهر اراده،
آرتار ملاییم ساعت به ساعت.
بو شهر کوفه دریای قان دیر،
امداده تئز گل حالیم یامان دیر،
اوللم یولوندا آخر زامان دیر،
قالدیم عم اوغلو دیداره تئز یئت.

گلدی کمینه بو قوم عدوان،
جسم - یم داغیتدی شمشیر پیکان،
گل باشیم اوسته لب تشنه قربان،
جان تاپیشراندا ائيله تلاوت.

□ □ □

اربعمین گونلری

پیمبر اهل بیتوی باشینه گتیریب زیارته زینبین
هر سنه هر اورک سؤزو وار دئسین گئده جک مدینه یه زینبین

نه بلالی چؤلدو بو چؤل اخاب، گؤروم غم اوستونه گلیر،
ائله حکم، قاسم و اکبره چیخا پیشوازه حرم گلیر،
دئمیرم جفای زمانه دن گؤزو یاشلی قامتی خم گلیر
بو خرابه شامیدن گئدیری، گلیری شکایت زینبین.

نه خرابه قلب بتول تک در و پایه بام شکست ایدی،
نه خرابه سنگ شماتین، قاباغیندا جام شکست ایدی،
باجیوین بئله گونه قالماغین خبر آلمیشام شکست ایدی،
نئییه بیلیمیرم، قالیب اولمه ییب بو قدهر شماتته زینبین؟

نه شمات آل محمده گلن ائيله ییب، گئدهن ائيله دی،
بیری پایمال، شماتین، قاباغیندا مرد و زن ائيله دی،
بیری نوعروسه دئدی، فلک، باش آچیق سنی نه دن ائيله دی؟
بئله کلمه لر ائشیده نده گؤر، دوشه جک نه حالت زینبین؟

بیزی پیشوا زانیدی اهل شام، دوزولوب نظام ایله صف به صف
دوروب اهل طرب چالیر، نی و چنگ حالتی دف به دف،
قولو باغلی چکدیله شامده بو اسیر عیالینی هر طرف،
غم اهل بیتی چکیب دوروب، بو قدر اذیت زینبین.

نظر ائيله "واقف" و "بیخود" - اچکه لر بیانه مصیبتین،
گوز یاشلی قبروی شوط ائیدی، ائده له بو وقته زیارتین،
سنه هر کیم آغلایا یا حسن یئته جکدی فیض شفاعتین،
قاباغیندا وادی محشره گله جک، شفاعته زینبین.

□ □ □

جوشی

دوشنده وصل گونو هر زمان خیاله علی،
اولور خیالی، دوشر کونلوم اؤزگه حاله علی!

ائیدیم نه چاره نه منده، نه سنده قدرت وار،
اوپوم ایاغینی تابیر یئتیم وصاله علی.

باشین هلال کیمی بسکه چوخ چتین گورونور،
اودورکی، قدیمی دؤندر میشم هلاله علی.

صبا گلیبدی کی، زولفون کنار ائده یوزدن،
گوروب تسلی تاپام وجه لامحاله علی.

کؤنول خیال خطوندن محال اولا خالی،
مشیت هاردا علاقه توتوب محاله علی.

یوزونده خالی گوروب، مردمک اولور خالی،
اولایدی خالی گوزومدن قسم او خاله علی.

کمان دردایله من قددی بیرجه راست ائله ییم،
غمیم یئتیشدی عجب طرفه بیر کماله علی.

□ □ □

حضرت زینبین مدینه یه قاییتما سی

ای جددیمین مدینه سی ائتمه بیزی قبول،
ائندیک بو چؤلده محنت و اندوه ایلن نزول.

سندن چیخاندا اهل عیال ایله چیخمیشیق،
عود ائتمیشیک نه بیر کسیمیز وار نه وار اوغول.

اولدوردولر حسینی اسیر اولدو عترتی،
چوخ هتک حورمت ائتدیله، یا ایها الرسول.

قمچی ایله شمر ایسته دی اولدورسون اولمه دیک،
بیر ضربه تازیانه دن اولدو آنام بتول.

باخدیم سفر ستاره سینه ارمغان اوچون،
بیر قانلی کؤینک ایله، ائیه میشم شامدن حصول.

شامه گئدیپ، گلینجه منی چوخ دؤیوبدولر،
من شوم بخت اولمه دیم عؤمروم اولوبدو طول.

ابن زیاد قتلیمه امر ائدی باخمادیم،
وئردیم جوابینی دانیشیب اولما چوخ ملول.

دوشمن حرم غزالین آپاردی قالیب حسین،
اوچ گون حسین و حش طیور اولدولار زلول.

"واقف" نه قدری فکر ائدیسن صبر زینبی،
وهم و خیال منگ اولو حئیران قالیر عقول.

□ □ □

یا باب الحوائج

عالمی ائدی بلا، آواره یا باب الحوائج،
سن اوزون قیل بو بلایه چاره یا باب الحوائج.
معصیت دونیانی یکسر پایمال ائدی امان دیر،
بو بلا گندی بیزی زینهاره یا باب الحوائج.

شیعه لر فریاده گلدی، ناله عرشه دایاندی،
کثرت درد و بلادن اؤد توتوب آفاق یاندی،
ظلمی هارون الرشیده باخ گور آخر نه عیاندی،
دوشدو عالم گور نجه بیر ناره یا باب الحوائج.

دفن ائدنده بو امامی ازدحام ایله دوروبلار،
شیعه لر دؤره نده صف - صف حلقه ماتم قوروبلار،
بیر امامین جان وئره نده خیمه گاهین اودلاییبلار،
یالواراردی قیزلاری کفاره یا باب الحوائج.

ای بابا گل کربلایه عترتین مضطر قالیدی،
بیر غریم یوخ پناهیم دؤره می دوشمن آلیبدی،
توت الیمدن جان وئره نده تشنه لیک دیلدن سالیبدی،
سر سلامت وئر گیلن بیماره یا باب الحوائج.

"واقف" و "بیخود" گلیب، درباره ایسترلر کرامت،
چوخ گناهکاریق قیامت ایستهریک سندن شفاعت،
ایسته بو زوار ایلن بو وقتده ائتسین زیارت،
خاک پایندان اوزه چکسینله یا باب الحوائج.

□ □ □

حضرت امام حسین (ع) - ین باجی سینا سؤزو

بیچاره باجی حالیمه گل ائیلهمه چاره،
اولدو جگریم سوده آلماس ایله پاره،

قارداشین اولور یاتما باجی دور ائیله ناله،
ووردولا جفا تیشه سینی بو شه زاره
چون اختر بختین یئتیشیب حد زواله،
دور ائیله نوا، شور ایله سال باشینا قاره.

دردین اثری نور دلیم هر دل سخته
زهرا ایله اولوبدور جگریم لخته به لخته.
ایستکلی باجی، راحت اولور هاردا بو وقته،
دور جان وئریم باشیمی آل بیرجه کناره.

گاهی به گهی، غم، گهی باب سیه فام،
گاهی حسنه، گاهی حسینه غم انجام،
که شام سیه فام سری من اندهرم شام
که شامه کیمی من گلرم درد ایله زاره.

□ □ □

حضرت زینبین جوابی

دور ای ائوی یخیلان عزتی گئندن قارداش،
گئدیم مدینه یه سنسیز نه نوع من قارداش،

آلبیدی فاطمه نین معجرین گلیب زینب،
یارالی پیکروه ائیله سین کفن قارداش.

باشین دالینجا دهیب، تازیانه چوخ باشیما،
تعجبم قاییدیپ، اولمه دیم نه دن قارداش.

یزید ائوی اولما من اگلشن خرابه کیمی،
گئدیم مدینه یه هاردا توتوم وطن قارداش؟

گئدیم نه نوع دئییم قاسمین عروسینی من،
کنیز ایسته دیلر، وئرمه دیم حسن قارداش.

نئجه دئییم آناما یوسف مدینه م اولوب،
بشیرایلن آپاریم قانلی پیرهن قارداش.

خرابہ دہ نگران قالیشام قالیب عریان،
تاپانمادیم بو دیارہ گلیب گئدہن قارداش.

دئمہ قویوب، منی دفن ائتمہ میش نئیہ گئتدین،
ووروبدو چوخ باشیما باشووی کسن قارداش،

دئدیم قالیب سنی ائیلرم اسیر اولدوم،
نہ واردی صدر نہ کافور نہ دہ کفن قارداش.

چکنده شمر طنابی ییخییدی ناقہ بیزی،
او حال ایلن بیزہ اولمادی رحم ائدہن قارداش.

نظارہ ائیلہ گلین "واقف" ایلہ، "بیخود" اسن،
ائدیبلہ بزم عزاخانہ نی چمن قارداش.

□ □ □

عاشور اگونو مناسبتی ایلہ نوحہ

ای شیعه بو گون کوفہ ہنگامہ محشر دیر،
بیر یاندا علی آغلار، بیر یاندا پیغمبر دیر،

بیر باش کی، جدا اوستہ مشغول تلاوت دیر،
پیغمبر اوپن لب دیر، پیغمبر اوپن سردیر.

یاران او حسین کی، قونداغی گئدیب عرشہ،
اوج گوندو کفن سیز دیر، تورپاق اونا بستر دیر.

بو تیر نشان ایلن اولاد علی خستہ،
طعن اوخلاری هر یاندا هر یئردہ مکرر دیر.

عرض ائیلہرم زینب عریان دہ اوستونده،
بازارہ گئدہن وقتہ بی چادر و بی سردیر.

اول باشی کی، جدا اوستہ گون کیمی طلوع ائتمیش.
شق القمر ائیلییلر رأس علی اکبر دیر.

قارداش باشینی گورجک داش دہیدی ووروب زینب،
محملدہ باشین یاردی گور بیر نئجہ خواہر دیر.

بیر یان دف نای ایلہ بیلیم نئیہ عشرت دیر،
بیر یاندا نوا ایلہ زردیہ حیدر دیر.

"بیخود" بو مصیبتده وور باشه حسین وای "دئی"
 "واقف" بیلین بو غم آذوقه محشر دیر.

□ □ □

شیعه بئله آغلاردی

چون ماه بنی هاشم یوخ یثرب بطحاده،
 ماتم توتاجاق یا رب، کیم سید سجاده،

قیرخ ایل شهدا آدی گلجک دیله آغلاردی،
 یاتمازدی گئجه - گوندوز ائیلر گیله آغلاردی،
 بیر یئرده سو گؤرسئیدی شیعه بئله آغلاردی،
 هرگز بو قدر ناله، شه ایتمه دی دنیاده.

جبرئیل بو مولایه هر یئرده محرم دیر،
 بیر فیکر ائیله گؤر شامه، نه نوع ایله عالم دیر،
 بیچاره دوه اوسته زنجیر نه لازیم دیر،
 ظلم ایله قولو باغلی وورموشدولا قلاده.

چون صبر ولایت وار آخر بو ولایتده،
 اوچ ساعته دک قالدی دروازه ساعته،
 عریان دوه اوستونده دوشموشدو او حالتده،
 عمامه سینه دوشمن اود سالدی تماشاده.

نه قدری بلا گلدی بو سلسله صبر ائتدی،
 گئتدی باش آچیق زینب هر مجلسه صبر ائتدی،
 قارداشی گئدیپ الدن، بو زینب کبراده.

چون ظلم دمشق ایچره اوز وئردی او مظلومه،
 شام اهلی وئریب نسبت، گه دیلم، گه رومه،
 مجلسده کنیز آدی قویموشدولا کلثومه،
 بو حالته آغلاردی مسلمده نصاراده.

بو شیعه ائدیپ ناله چون ابر بهار آغلار،
 بو محنت عظماده هر لیل نهار آغلار،
 اولمازلا بو مجلسدن هئچ وقت کنار آغلار،
 پیغمبر ائدهر ناله گؤر عالم معناده.

بولبول کیمی "بیخود" گل فریاده بو گولشنده،
فریاده سن اول واقف آماده بو گولشنده.
سن قمری کیمی سسلن گل داده بو گولشنده،
با هم ائله یک ناله سرو گول شمشاده.

□ □ □

علی (ع) -ین احوالاتی

آز قالیب نظام عالم ظلم الی ایله برهم اولسون،
مرتضیٰ علی شهید تیغ ابن ملجم اولسون.

ایندی فرق مرتضایه زهر تیغ ائدیدی تأثیر.
گوژ آچیب وداع ائدیردی عترت رسولی بیر - بیر.
گوردو چون بو حالی زینب، اولدو غصه دن گلوگیر،
باش آچیب نوایه نئی تک ایسته دی مصمم اولسون.

زینب آغلایب صداسی، چون یئتیشدی مرتضایه،
آچدی گوزلرین بویوردو پادشاه کربلایه،
قویما ای اوغول سن ایندی زینبی گله نوایه،
دوره حرمدی شاید ایندی غیر محرم اولسون.

یا علی اولاییدی جانی شیعه غیرتین فداسی،
راضی اولمادی یئتیشین خلقه زینبین صداسی،
زینب دوشنده یاده ماجرای کربلاسی،
اهل عالمه قیامت آز قالیر مجسم اولسون.

آه، او وقتدن ووراندا شمر خیمه گاهه آتش،
خیمه لر یاناندا زینب، گوردو عابدین ائدیب غش،
یا علی دئییب اود ایچره داخل اولدو اول بلاکش،
قویمادی شرار آتش، قلب عالم، عالم اولسون.

یا علی سنین باشیندان بیر قیلینج ووروبدو دوشمن،
غشدن گلنده حاله بیله اضطراب ائده رسن،
سینه ی حسینی ائتمیش دؤردمین اوخ یاراسی مسکن،
زخم سینه ی حسینه اشگ چشم ملحم اولسون.

آز قالیب، قارا چکیلسین بارگاه کبریایه،
آز قالیب، کلام ناطق، برهم اولسون آیه - آیه،
آز قالیدی رحلت ائتسین حیدر عالم بقایه،
رشته وجود درهم کاینات برهم اولسون.

□ □ □

پیغمبرین وفاتی

محبوب چون حبیبینه کشف ائیله ییب، جمال،
عنقای اوج قدسه آچیب، شهر و جلال،

بو عشق بیر جمال ایدی حئیران قالیدی خلق،
بو اوج بیر جلال ایدی مبهوت اولور خیال.

خاتم وئرییدی حلینه جبرئیل خاتمین،
دیباچه وجوده سالیب نقش ارتحال.

عرض ائیلهدی رسوله کی، یا ایها الرسول،
احضار قُرب ائدیب، منی خلاق ذوالجلال.

ارواح انبیایه سن عرش اوسته ای امام،
بانگ نماز چکمه یه قوی من اولوم بلال.

اولدو حبیب مژده وصل ایله شادکام،
بو مژده وصالده یوز وئردی اؤزگه حال.

احباب لر اوْلنده اولوردو شکسته دل،
محبوب آدی گلنده اولوردو شکفته حال.

شمس نبوت ایسته دی تا ائیله سین غروب،
گیزلین دواسینی قمره قیلدی انتقال.

چون صدمه قضا یئتیشیر قلب عالمه،
دوندو مدار، گون توتولوب عالم ملال.

سسلندی یا علی وئره رم جان اؤزون یئتیر،
جان تک قوجاقلا جسمیمی، باشیم قوجاغه آل.

مهریله ماه منزل جوزاده جمع اولوب،
بو حال دل دئینده او ائیلردی عرض حال.

منندن سورا بلا گله صبر ائیله یا علی،
صبر ائتمه سن مدار شریعت تاپار زوال.

اسلام منهدم اولو، باغلانماسا قاپین،
حق ظاهر اولماز، اولماسا زهرا شکسته بال.

تئز گل گلین عم اوغلو دایمجا دایانما چوخ،
آمما جناب فاطمه امرین قاباغه سال.

بیر تازیانه سیندیراجاق قول - قاپیرقاسین،
قویما ضعیف دیر، داخی ائتسین له پایمال.

وئرسن گرک فرات کنارینده تشنه جان،
سو ایچمه سین سوسوز تۆکولور قانی چون زولال.

شمشیر ایلن وجودینی ائیلرله خط - خط،
پیکان دمینده سینه سین ائیلله خال - خال.

باشسیز قالیر جنازه سی چوخ تورپاق اوستونه،
باشسیز عیالی ائیلهمیسن رویت هلال.

زینب دئییر: سویوبلا منی تاپمادیم کفن،
دفن ائتمه یه اسیرم حسین ائتمه دیم مجال.

باشی گمی تنوریده سالمیشدی های و هوی،
گاهی گئدیر جداده سالی، شور قیل و قال.

کرب بلا چؤلونده قالیر روحی زینین،
بزم یزیده گئتسه گئدر قالیب مثال.

تاراج ائده نده خیمه لرین چؤلره قاچیب،
آتلار آیاغی آلتدا قالیر طفل خردسال.

خورشید تک امام ائده جک شامده طلوع،
زنجیر ایلن خرابه نشین اولسا ماه سال.

مور ضعیف "واقف" و "بیخود" شها بو نظم،
پای ملخدی الله چکیرلر چوخ احتمال.

□ □ □

حضرت مسلم - ین سؤزو

حسینه چون میناده گلدی فرمان،
قاباقجا مسلمی گؤندردی قربان

یخیب باشه خلیل الله ثانی،
دالینجا گئندی یثمیش بیر خدائی

گوئوردو بیدقی اسلامی اوّل،
ایکی نوریس جوانیندن چکیب ال.

بیلین عادت اولوب اهل عراقه،
سالیق قربانینی بیرگون قباغه.

جناب مسلمی قربان کسیبلر،
باشین، سو وئرمه ییب عطشان کسیبلر.

ائدیبلر او غریبی پاره - پاره.
دوباره ائدیبلر زیب قناره.

اوّلن وقته یوزون دوتدو حجازه،
حسین ایلن گلیب راز و نیازه.

دئییردی مکه دن چیخما کناره،
اگر گلسن، ائده لرلر پاره - پاره.

ترحم قیل گیلن اهل عراقه،
عراقین عزمینی سالما خیاله

آمان دیر، گلمه سمت کربلایه،
عیالین سالما سرتاسر بلایه.

بو سمته گلمه، سمت یثربه گئت،
آمان دیر، قارداشین عباسه رحم ائت.

ترحم قیل رسول مصطفایه،
آخار قانی گلر لیلا نوایه.

سو وئرمزلر، کسرلر تشنه باشین،
جنازه نده قالار نه ال نه باشین

یازار "واقف" بو شرح جانگدازی،
حقیقت وار مجاز عشق بازی.

□ □ □

حضرت امام رضا (ع) - ین ماتمی

درد دیلیم گلیب یئنه طغیانه آغلارام،
من بو غریب شاه خراسانه آغلارام

غربت دیارده قالیب حسرت عیالینه،
زهرايله دؤندریب، جگرین قانه آغلارام.

دوشدو وطندن آیری غریبه مزار اولوب،
من بو غریب، حسرت نالانه آغلارام.

وار بیر غرییدن خبریم اولمادی کفن،
جان تاپشیراندا شام غریبانه آغلارام

میدانه اوغلو گتدی، دالینجا باخیب دئدی:
گوئدرمیشم جوانیمی مئیدانه آغلارام،

لیلاگووروب جداده اوغول باشینی دئدی:
بو قاره زولفه وورمامیشام شانه آغلارام.

کرب و بلا دیارینه مهمان گتیردیلر،
سو یوللارین کسیدیلر مهمانه آغلارام،

"واقف" شهید شاه خراسانه عرض ائدهر،
درد دیلیم گلیب، گئنه طفیانه آغلارام.

□ □ □

گئدهنده

دیار کوفه یه گلسم باشین جداده گئدهنده،
دئی شمره چوخ منی اینجیتمه سین پیاده گئدهنده.

باشیما قامچی وورار شمره چوخ گراندی عزیزیم،
بابام علی یائینا یوز قویاندا، داده گئدهنده.

جدا باشیندا باشین من پیاده آت قاباغیندا،
باشین دالینجا دوشوب، گلم هر بلاده گئدهنده.

ننجه شهادت علایه صبر ائدیم علی قارداش،
هرآن بزم گه زاده زیاده گئدهنده.

قالیر اوغولسوز آنام لامحاله ائيله وداعسین،
جهاد دوشمنه سن ائيله ییب اراده گئدهنده.

بیزه شهادت اوچون خلق پیشوازه چیخارلار،
قرار رسم ایدی هر شهره شاهزاده گئنده.

یقین دی شامده قارداش کنیز ایسته یه جکله،
یزید بزمینه شهزاده پا پیاده گئنده.

توجه ائيله سنين خاک راهينه گله "واقف"،
بو فردی ذکر ائده جک، راه کربلاده گئنده.

□ □ □

حضرت امام حسین (ع) - ین خطابه سی

بویوردو شاه مظلومان جماعت،
گؤتوردوم ایندی سیزدن طوق بیعت

گلن دونیادن اؤترو فکرین ائتسین،
منیلن قالماسین بو چؤلده گئتسین.

مساوی دیر، بوگون بیگانه و خویش،
بوکوی یاردیر، نه شاه درویش،

گئدهن گئتسین نه لازم فوج لشگر،
منه بس دیر، علی اکبرله اصغر.

گلیب هر کس دیار کربلايه،
گرک آماده اولسون هر بلایه.

گئدهن گئتسین بو دشت کربلادن،
فرار ائتمز ولا اهلی بلادن،

منی بو چؤلده اعدا اؤلدورورلر،
گئدیم و یا قالیم سا اؤلدورورلر.

گر اولسا مصلحت قاسمده گئتسین،
نه قاسم بلکه عباسیمده گئتسین.

بو سؤزدن رنگی عباسین سارالدى،
چکیب آه، اللری قوینوندا قالدى.

ائتسیتدی درده گلدی قلبی یاندی
حسین - ین باشینه اول دولاندی.

دندی واردیر، خیالیم ای حسین جان،
اولا مین جان ائدهم بو جانه قربان.

مگر ای پادشاه احمد آثار،
غلامی نا رشید اولسا قووارلار،

منی قووما بو درگه دن دخیلیم،
آنام اوغلو، سنه عبد و ذلیلیم.

خیالیم اصفره قربان اولام من،
قاپیندا حشره دک دربان اولام من.

سنی هر کیم گلیب، ائتسه زیارت،
غلامین بیلمه سینلر بی حمیت،

دوداغیم گنبد چرخه دایانسن
گلیب شمع الله زوارین دولانسن

خدایه واقفه سن وئر بضاعت،
ائده بو وقته عباسی زیارت.

□ □ □

ائيله‌دی

بوگون عیال علینی زمانه خوار ائيله‌دی،
یزیدی تخت خلافتده برقرار ائيله‌دی.

شریعتین علمین مسلم - ین الندن آلیب،
یخیب یئره علم کفری برقرار ائيله‌دی.

جناب مسلمه قیرخ‌مین نفر اندیب بیعت،
سالیلا، مسجده یالقیز قویوب فرار ائيله‌دی.

حسین - ین آخر اوگون اختیارین الدن آلیب،
زیادین اوغلونو گور صاحب اختیار ائيله‌دی.

جناب مسلم عمر سعدی مجلس ایچره گوروب،
اونو اشارت ایلن بزم‌دن کنار ائيله‌دی.

دئدی: منیم سنه بیر محرمانه عرضیم وار،
بو شهرین اهلی منه ظلم بی شمار ائيله دی.

بیر یسین ائيله میشم قرض یددی یوز درهم،
منی قضا بو ولایتده قرض دار ائيله دی.

آپار منیم زرهیم سات او قرضی ائيله ادا،
او وقته تیغ منه سلب اعتبار ائيله دی.

جناب مسلم - ین امر شهادتی "واقف"،
نجفده حیدر کراری اشکبار ائيله دی.

□ □ □

حضرت مسلم - ین شهادتی

ائتدی غروب آل رسولین ستاره سی،
اولدو بلند ابن زیادین قناره سی

قتل جناب مسلمه بیر شهر یوز قویوب،
یالقیز قالب، او شهرده قطع اولدو چاره سی

اکبر یولوندا هر ایکی اوغلوندا ال چکیب،
آواره قالدیلار، هر ایکی ماه پاره سی

ایندی شهادته یئیشیب نایب حسین،
قالدی قناره ده بدن پاره - پاره سی.

دوتدو یوزون مدینه یه عرض ائتدی یا حسین،
گلمز بو شهره گلمه گنین استخاره سی.

گلمه بو شهره قبر پیغمبرده ساکن اول،
غور ائيله ییب، بو شهرده صفین پاره سی

گلمه بو شهره اهل عیالین اسیر اولوب،
زینب بو روزگارین اولور بخت قاره سی

گلمه بو شهره رحم ائله مزلر عیالینه،
گویا پیاده سی ووراجاقدیر سواره سی

"واقف" جناب مسلم عزاسینده وور قلم،
مسلمده واردی دردی نین البته چاره‌سی

□ □ □

نوحه (حضرت ابوالفضل)

اذن جنگ آلیب، ابوالفضل عازم شهادت اولسون،
اهل بیته خیمه‌لرده آز قالیب قیامت اولسون

واضح اولدو شامه گئتمک اوندا زینب فکاره،
خیمه‌گاهدن حرم‌لر، چیخدی باش آچیق کناره،
اهل بیته گتدی بیر - بیر باشلارینا سالدی قاره،
شامه گئتمه‌یه مصمم اهل بیت عصمت اولسون،

چوخ سورا اولوب عقابه رعشه سالدی کایناته،
دؤندو گلدی خیمه‌گاهه اوز توتوب مقدراته،
ایله‌یین حلال سقا، عزم ائدیب گئدیر فراته،
غصه ائتمه‌یین من اولسم، قارداشیم سلامت اولسون

قتلگاهده تاپاندا هر اسیر بیر جنازه،
یوخ آنام بو چؤلده باجی فضییه وئرین اجازه،
نوکره کنیزین آغلار، سنده سرور حجازه،
پادشاه‌ایله غلامین شائینه علامت اولسون.

آغلایب، دئیوردی زینب، کارزار عزم ائدیرسن،
بو غریب پادشاهی تاپشیریپ، کیمه گئدیرسن؟
قارداشیم قالیدی یالقیز، قارداش اولماسان اگر سن!
دستگیر اولوب عیالی، خیمه‌گاهی غارت اولسون.

عرض ائدیپ، باجی ازلدن ایله‌یب قضا محول،
بو غریب پادشاهه من اولوم غلام اول،
اللریم کسیلمه یینجه، دامنیدن اوزمه‌رم ال،
تربتیم حسین آدی ایله مرجع زیارت اولسون،

اولمه‌ییم نظرده یوخدور، اولدورور منی بو غیرت،
خیمه‌لر یانان زاماندا کیم ائدهر سیزی حراست،
سهل‌دیر، اگر من اولسم قارداشیم اولاردی راحت،
قارداشا بو غیرت ایله مشگل استراحت اولسون،

"واقف" - ابو شهسوارین ائیله ماتمینده ناله،
ماجرای کربلانی ثبت قیل گیلن خیاله،
بلکه ائیله سین ابوالفضل لطف ایلن اؤز و خیاله،
حاضرائیله تا بو وقته خاک پای قسمت اولسون

□ □ □

امام حسین (ع) ابوالفضل - ین نعشی کناریندا

ای باش و جان وئره ره جاناندا دور گئدهک،
یالقیز قویان منی بو بیاباندا دور گئدهک،

قارداش هوا چوخ ایستی دی بو نوع قویمارام،
جسمین یارالی قالا مئیداندا دور گئدهک.

سو وعده سی وئریسن اگر ممکن اولمادی،
قوی مشگ ایلن بو اللری بیر یاندا دور گئدهک.

سیندی بئلیم کسیلدی علاجیم هجوم ائدی،
دوروم احاطه ائیلهدی عدوانه دور گئدهک

□ □ □

جناب ابوالفضل - ین جوابی

ای آفتاب برج امامت نئجه گئدیم،
دو شمن لریم ائده لله شماتت نئجه گئدیم
باشیم سینیب، سینهم داغیلیب قوللاریم دوشوب،
بو نوع ایلن وئریم سنه زحمت نئجه گئدیم؟
سن گئت گیلن سکینه سوال ائتسه وئر خبر،
عباسی قویمادی گله غیرت نئجه گئدیم؟
السیز لیگیم آلبدیر الیمدن سو مشکینی،
اصغردن ائیله ییدی خجالت نئجه گئدیم؟
بیر حسرتیم قالیب بو گئجه بیلمه رم اخوا،
ائیلر کیم اهل بیتی حراست نئجه گئدیم؟

□ □ □

حضرت علی اکبرین احوالاتی

قوشون تئوکولدو علی اکبر جوان اوسته،
سینان اوخ اوسته ده ییب، اوخ ده ییب سینان اوسته.

عقابیی ضعف توتوب مطلق العنان ائله دی،
هجوم ایلن کی، تئوکولموشدو کوفیان اوسته.

خطاب اندیردی عقابه منی یئتیر اناما،
گوروب جنازه می گلین باجیم فغان اوسته.

عقابی گلدی کناره، آچیب خدنگیله پر،
او صیدی ائیله یه، صیاددن نهان اوسته.

سوار اولوب شه دین ذوالجناحه سرعت ایلن،
یئتیشدی اکبرین جان وئره ن زمان اوسته.

رکابدن ائله ییدی قدملرین خالی،
یخیلیدی شور ایله فرزند مهربان اوسته.

اوغول گوروب آتاسین صیحه چکدی آچدی گوزون
آیاقه دوردو یخیلیدی دوباره قان اوسته.

دئدی باغیشلا بابا، بند - بند - دن اوزولوب،
چاپیدیلار آتاسین شمر ایلن سینان اوسته.

دئدی: اوغول قوی اوپوم قان دوتان دوداقلارینی،
گوزوم یاشین ائله ییم سوکیمی روان اوسته.

آلیب قوجاقه باشین گوزلرین تکیب گوزونه،
دویونجا آغلادی سالار دین، جان اوسته.

دئیردی: یا ولدی، چوخ حسینه مشگلدی،
سوسوز جوانینی بو نوع گورسه جان اوسته.

علی اکبره رامشگر اول گیلن "واقف"،
نه قدری نطق ایله بو خامه وار بیان اوسته.

□ □ □

حضرت قاسم - ین احوالاتی

یئر دوشنده آتیندان او نوجوان داماد،
عمی دئینده جوابین وئره ردی جان داماد.

گوروب عموسو گلیر، ایسته دی دورا یخیلیب،
باخاردی حسرت ایلن جان وئره ن زمان داماد

چیخیب هوای محبته مرغ روحی قویوب،
عروسی نین خم زولفونده آشیان داماد

سوار اولوب شه دین ذوالجناحه سرعت ایلن،
او دم یئتیردی اوزون وئرمه میشدی جان داماد

دئدی: اوغول نئجه سن؟ عرض ائدیب عمو اولوره م،
گلیبدی سینه مه جان قالمایب توان داماد.

عروسی قویمادی شامه گئده ن زمان یالقیز،
دیار شامه کیمی اولدو پاسبان داماد

بو یوردو یابن اخیاتما خواب ناز ایلن،
عمی یانیندا اوغول اگله شیر هاچان داماد؟

یوزون قویوب یوزونه گؤتدو باسادی سینه سینه،
ایاقلاری یئر اوزونده چکیب نشان داماد

گؤروب عمو قیزی نی، پرشکسته محملده،
باشین گؤتوردو مقام ائیلهدی ستان داماد

بو نوجوانین آدین ذکر ائدهنده ای "واقف"
گؤزوندن اشک روانین اولوردو قان داماد.

□ □ □

حضرت علی اصغرین احوالاتی

اصغیریم گؤنده ریرهم صبر ایله مئیدانه سنی
چوخ سوسوزسان گؤروهم گئتدی عطش جانہ سنی

ساکت اول آغلاما شهزاده بالام بیر ائله خواب،
ائیلهدین مرغ هوا ماهی دریانی کباب،
کافر اولسا وئری بو لشگر عدوان سنه آب،
خارجی گؤرسه بو نوعی گلیر ایمانه سنی.

سن حسین گولشنین خیرداجا غنچه گولوسن،
باغی نین تازه چیخان ناز ایله تر سونبولوسن،
کربلاده قفس محنته غم بولبولوسن،
اوچماغا گؤنده ریرم اؤزگه گولستانه سنی.

سنی اوچ سمتده مئیداندا وئریر جان چاغیریر،
اول آغوشون آجیب، اکبر عطشان چاغیریر،
بیررسی گول - گول ائدهر دایه رضوان چاغیریر،
بیررسی حرمله آماج ائده پیکانه سنی.

قوی آپارسین سنی اوغلوم، صف مئیدانه امام
یئنه هر طور اولا مایوس ائله مز لشگر شام،
لامحاله سوالا گلمه سه بی چاره بالام،
بوغازین چاک ائدی، الوان ائدهله قانه سنی.

قورویوب لعل لبین دانه عنابه دؤنوب،
رنگ آلین آغاریب، رنگده مهتابه دؤنوب،
اریبیدی سودان اؤترو جگرین قانه دؤنوب،
اضطراب دل بریان گتیریب جانه سنی.

شب یلدا ید مخلوق سراسر هامی کور
شب یلدا واله و سرگشته چراغ اولدو ضرور،
ناگهان شمع شمع اله ائتدی ظهور،
گؤردولر شمع جمال حقه پروانه سنی

حضرت علی (ع) - ین شهادتی

گئیدییر رحمته للعالمین ای شیعه دونیادن
اوجالمیش ناله و وا احمدا یشربله بطحادن،

بوگون مصداق معنای خطاب عزّ لولاکه،
ندای ارجعی یثتمیش چیخییدییر ناله افلاکه،
یثتیب افلاکون آرتیق، مصیبت توده خاکه،
گلیر معناده واویلا سسی جتته زهرادن.

بلایه سبقت ائتمیشدی ازل عهدینده پیغمبر،
ائدی، سبقت بلایه دهرده چکدی نه زحمتلر،
کئچنده کوچه دن دوشمن تؤکردی باشینه کوللر،
او کان مرحمت ائتمزدی شکوه ظلم ایزادن.

نه یاخشی ساخلادی امتلری حؤرمت او مولایه،
عجب وئردیله شیعه سر سلامت آل طاهایه،
حیاتیندن سورا اود ووردولار بازار زهرايه،
یثتیشدی عرشه ناله، عترت یاسین و طاهادن.

عدو اود ووردو درگاه حریم کبریا یاندى،
سینیب پهلوسو ظلم ايله دل خیرالنسا یاندى،
گؤروب بو حالتی قلب علی المرتضی یاندى،
یئتیشیب بیر نفر فریاده نه اعدا و ادنادن.

دوشوب بو ماجرادن ماجرای کربلا یاده،
دوشن وقته حسین - ین نعشی صد پاره او صحراده،
نه محنت یوز وئریدیر، زینب و کلثوم و سجاده،
قویوب یوز خیمه یه بی حد سواره قوم اعدادن.

عدو اؤد ووردو خرگاه شه بطحانی یانیدردی،
گلیب فریاده زینب ناله سی دونیانی یانیدردی،
قالیب بیمار اؤد ایچره عالم امکانی یانیدردی،
قاجیب اؤددان داغیلدی چؤلله اطفال او صحرادن.

□ □ □

امامین صحابه لرینه تاپشیریغی

بیزی ای باجی گئتدیلر کربلا یه،
گرک تاب ائده ک هر غم و بلا یه.

بو محنتده یوخ چار و بی چاره باجی،
سالیرسان قاره اوستن قاره باجی.
چکرلر سیزی شامه بازاره باجی،
اولوب خلقون چون مخمر بلا یه.

گرک سینهمی تیره آماج ائدهم من،
بلا افسرین باشیمه تاج ائدهم من،
گئدیب، نیزه باشیندا معراج ائدهم من،
بو باشیم ازله وئریب سر بلا یه.

بلا یوز وئریب کلمه فریاده، داده،
سالیب دیر سیزی چؤلله پایاده،
گئدیرسن باجی بزم ابن زیاده،
نه ظلم اولسا صبر ائله خواهر بلا یه.

بوگون اهل کوفه گلیر دسته - دسته،
منی اؤلدوره - آت چاپار سینم اوسته،
قولون باغلی چؤللرده محمل شکسته،
امان باجی اولما مکدر بلا یه.

سوال-جواب

قارداش بو چول نه چۆلدی؟ باجی کربلادی بو.
قارداش بو قوم کیم دیر؟ باجی اشقیادی بو.

قارداش گلیر اولوم سسی بو سرزمین - دن،
باجی بو تربتیم اول، خاک شفادی بو.

قارداش حسین عیالینی گؤندەر مدینه یه،
اولماز باجی ازلدۀ اولان ماجرادی بو.

قارداش! نه دن الین اورییندن گؤتورموسن؟
باجی! اوغول غمینده ساغالماز یارادی بو.

قارداش! سنان، سنانین الیندن توتوب گلیر،
باجی! اکسندۀ باشیمی وورسون جدادی بو.

قارداش! گتیر اوپوم او پیغمبر اوپن یئری،
باجی! نشان خنچر شمر دغادی بو.

ازلدۀ شهادت قبول ائتمیشم من،
گلیب بو دیاره، نزول ائتمیشم من،
هامی ماسوانی ملول ائتمیشم من،
وئریب ساقی مرگ ساغر بلایه.

بو چۆلدۀ سیزه اولار بی نهایت،
فغان ائتمه سینلر شمات،
منی حرمله سیزدن ائیلر خجالت،
گلندۀ قوجاقیمده اصغر بلایه.

قوشون یوز قویوب شبه پیغمبر اوسته،
وورار جسمینه خنچری اوسته،
گلن وقته لیلا علی اکبر اوسته،
دئیۀ رای اوغول دوشدو مادر بلایه.

ائلدۀ جسمینی شمر کافر برهنه،
قالار اهل بیتیم سراسر برهنه،
کیمی پایپاده، کیمی سر برهنه،
دوشه رسیز بو چۆلدۀ باجی هر بلایه.

قارداش! سینه‌نده مخزن علم الهی وار،
بلی باجی! شکسته اهل جفادی بو.

قارداش! بو اکبرون دی‌کی، قوینوندا للری،
باجی! اودور فدای ره آشنادی بو.

قارداش! الین اوپوم کی، الیمدن آلاز عدو،
باجی! الیم کسلله عجب ماجرادی بو.

قارداش! بو اصغرون‌دی سوسوزدان هلاک اولور،
باجی! نشان تیر گروه دغادی بو.

قارداش! حمیت ائیله‌یب عباسه چوخ اثر،
باجی! حمیت اهلی‌دی، صاحب نوادی بو.

قارداش! توی ائتمه قاسمه حسرت قالار عروس،
باجی! توی ائیلرم دئیهلر کدخدادی بو.

قارداش! گئدیم بو لشگر کفاره یالواریم،
باجی! عیال حیدره هاردا روادی بو.

قارداش! ائدیدی واقف سالک نوا بیزه،
رحم ائیلهریک، جزا‌گونو رسم وفادی بو.

□ □ □

حضرت قاسم - ین چاغریشی (۱)

یئتیش داده ای تاجداریم عموجان،
آلیب تشنه یوخ اختیاریم عموجان.

اؤزوم تشنه‌گون ایستی‌دیر دوشمن - یم، چوخ،
ووروبلار ییخیلار منه رحم ائدهن یوخ،
بدن سر به سر زخم شمشیریه اوخ،
الیمدن گئدیدی، قراریم عموجان.

گئدیب، بسکی قانیم رملق یوخ‌دو، منده،
عطش بیر طرف، چوخ یارام وار بدنده،
باشیم اوسته تئز گل او وجه حسنده،
قالیب دیده‌ی انتظاریم عموجان.

آتام باشیم اوسته دوروبدور مجسم،
دئیردی: اوغول! گلمه یه اول مصمم،
ده ییب بسکی آت دیرناغی اولدو برهم،
منیم پیکر زخمداریم، عموجان.

یئنه واقف - یین قلبی دوتدو شراره،
عززا مجلسینده گلیب، آه و زاره،
بو قانلی جمال ایله قیل بیر نظاره،
اولوبدور منیم اشکباریم عموجان

□ □ □

حضرت قاسم - یین چاغریشی (۲)

دوشدوم یئره آتدان یئتیش امداده عموجان،
جسمیم ازلیب قالدی بو صحراده عموجان.

قالدیم آیاق آلتیندا عمو، لشگر الینده،
قاتل دولاییب، زولفوم اله خنجر الینده،
قویما منی بو طایفه ی لشگر الینده،
وئرمه حرم آهوسونو صیاده عموجان.

بو چؤل طور سینا، اولوب سنده موسی،
عجب "ربی ارنی" اولوب دیلده گویا
دئمه "لن ترانی" اؤزون قیل تجلی،
افاقه تاپا جسم زاریم عموجان.

یئیب قاسم - یین ناله سی خیمه گاهه،
سوار اولدو سالار دین ذولجناحه،
یئتیشدی محیط اولدو خورشید ماهه،
دئدی گلدین ای گولعداریم عموجان

بو یوردو اوغول چوخ منه نیسگیل اولدو،
سنه گلدی امداده بی حاصل اولدو،
دئمه، من چاغیردیم، عمیم غافل اولدو،
دئییه وقته ای تاجداریم عموجان!

عموسون گوروب گلدی نظاره قیلدی،
خجالتدن ایستردی دورسون، ییخیلدی،
تاپپ بولبول اؤز گول بوداغین ییخیلدی،
دئدی قالما ییب دیر، قراریم عموجان.

بو قومه دئییر: شمر ستمگر وورون اولسون،
 وار فیکری گئده خیمه یه ایستیر وورون اولسون،
 گرچی بونو اوخ اولدورور خنچر وورون اولسون،
 یوخدور گله بیر کیم نسه فریاده عموجان

□ □ □

حضرت علی اکبر اوچون

زینت ائتمیشم خدایا بو شبیه مصطفی یه،
 گؤندریم سنین یولوندا کارزار اشقیایه،

شاهد اول بو اکبریم دیر، کئچدیم ای خدای اکبر،
 خلقتی بو نوجوانین حضرت رسوله بنزهر،
 پاره - پاره دوغراسینلار یوللارام بو قوم کافر،
 راضی یام سنین یولوندا وورسالار باشیم جدایه،

عهد قیلیمشام ازده چکمیشم علاقه دن ال،
 کاروان عشق ترک ائت قویما ای اوغول معطل،
 مصحف جمالین اوسته نوک تیر چکه جدول،
 جمع ائیلرم عبایه، سوره - سوره، آیه - آیه.

جانانه یئتمشک لیگه جان گلدی دوداغه،
 قارداشین حسن گلدی باشیم آلدی قوجاغه،
 یانمیش جگریم، قانی گئدیپ تاپدی افاقه،
 گئتدی عطشیم سو اولوب، آماده عموجان.

گل قویما باشیمین اوسته دورا دوشمن،
 هر سمته دؤنم، من او طرفدن وورا دوشمن،
 شمشیر ایله زهرا جگرین یاندیرا دوشمن،
 امداده گلن وقتدی داماده عموجان.

آز قالدی چیخا جان باشیمین اوسته گل ایدین،
 سینم دوتولوب سس گلیر آهسته گل ایدین،
 بیر دسته گئدهنده گلی بیر دسته گل ایدین،
 دامادینی قویما قالا افتاده عموجان.

قصد ائتدی منیم قتلیمه بو دشت بلاده
 بیر دسته سواره گلی، بیر دسته پیاده،
 بدتر هامی دان شمر دئییر: خارجی زاده،
 بیر رحم ائله یین یوخدو بو اولاده عموجان.

بیر غریب آتاسی واردی، قالدی باشی غم دیزینده
داغ لاله یه چوخ اوخشار، خال هاشمی یوزونده،
باش قیلینج لانان زاماندا قان دورار آلا گوزونده
زینیم قارا گوزونده قان گوروب باتار قارایه.

قیلدی صورت پیغمبر جلوه لشگر عراقه،
دوتدو حیرت اشقیانی، باخدیلار او طمطراقه،
سؤیله یلر مصطفی دور اگله شیب او شه براقه،
عزم ائدهر بو شوکت ایله بارگاه کبریایه.

شور اکبر ایله واقف، بو عراقی گولشن ائيله،
سالکا بو گوللری بیغ دفترینده مخزن ائيله،
سندہ بیر گول اوسته "بیخود" گل نوایه شیون ائيله،
توشه ائيله بین سرشگی دیده موقوف جزایه

□ □ □

عاشورا

عقاب اوستن یئره دوشدو علی اکبر عاشورا،
حسین - ین حالینه یاندی، دل پیغمبر عاشورا.

آتش محبتین بس قلبیمه سالیر شراره،
سن گئنده دی تماشا، گوز یاشین تۆکر عذاره،
گوزلریم دوشنده آتدان تورپاق اوسته پاره - پاره.
شرم ائدی، توقف ائتمه، تئز چاغیر گلیم هرایه،

اهل بیت بو خبردن گلدیلر نوایه نئی تک،
تورپاق اوسته آفتابین دوشدولر دالینجا نی تک،
چون نبات النعش دوتدو، دور اکبری جدل تک،
نی کیمی سیزیلدا شیرلار وئردیلر صدا، صدایه.

گئئدی اکبری باخاردی شاه کربلا دالینجا،
گوز یاشی اوزه آخاردی شبه مصطفی دالینجا،
اول غریب آتا گوزو ایله باخدی بیر بالا دالینجا،
یوز توتوب خطاب ائدهردی ابن سعد بی حیایه.

یاخشی قطع رحم ائدیسن ای ستمگر جفاجو،
قطع ائده خدای زولمن رحمین ای لعین بدخو،
چوخ سوسوزدو اولدورورسوز جان وئره زمان وئرین سو،
تشنه دور دونوب سوسوزدان لاله رنگی کهربایه.

یئره دوشجک علی اکبر، ائدیب قدین کمان دوردو،
توتوب یوز هاشمی خالی، قارا زولفونده قان دوردو،
چکیب شمشیرینی منقض عمود ایله سنان ووردو،
سینان و تیغ خنچردن آچیبیدیر شهیر عاشورا.

دئییردی: ای بابا مینایه گل گؤر تشنه قربانی،
بو طور ائتمز مسلمان کافری، کافر مسلمانی،
گؤروم اوغلی اوْله، هرکیم اوغولسوز قویدو لیلانی،
باشیندان تیغ قلیبندن چکیبیدیر خنچر عاشورا.

یئره دوشجک کسوف ائتدی عقابین آفتاب اوستن،
قیلیجلاندی علی اکبر یئره دوشجک عقاب اوستن،
آلیب آغوشه پیغمبر باشین گؤتدو تراب اوستن،
اوغول وای ناله سی چکدی نجفدن حیدر عاشورا،

نه عالمدی گؤرون بو توی اوگون باشلاندی داماده،
حسین - ین قلبی اوْد توتدو آلیشدی یاندی داماده،
یاراسی جام اولوب قاندان حنا ایسلاندی داماده،
عروسی قان ایلن زولفون ائدییدی احمر عاشورا.

خلیل کربلا قربانین گؤنده ردی مینایه،
میناده دوغراناں وقته اوْزو دوردو تماشایه،
هانی هاجر گلیب ائتسین تماشا صبر لیلایه،
ائده صرف نظر اسماعیلندن هاجر عاشورا.

گؤرنده اکبرین صد پاره نعشین بی نوا لیلا،
حیا ائیلردی گیزلینجه ائدیب، شور و نوا لیلا،
دئدی: توی گؤرمه دین گؤردو، الینده قان حنا لیلا،
اوغول تورپاق لحافون قان اولوبدور بستر عاشورا.

اگر شق القمر ختم پیغمبردن ظهور ائتدی،
دوباره سجده ی طاعتده حیدردن ظهور ائتدی،
گلیبیدیر کربلاده فرق اکبردن ظهور ائتدی،
بوگون پیغمبره اکبر اولوبدور مظهر عاشورا.

گلیبیدیر خیمه لردن قتلگاهه باش آچیق زینب،
گؤروبدور اکبری صد پاره ووردو باشه چوخ زینب،
دهیب ازبسکی جسم - ین خاک ائدیب، شمشیر اوخ زینب،
دئییردی: شورا یله وا غربتا وا اکبر عاشورا.

نه محنت دیر، خداوندا گتیرمیش عالمی درده،
نه عالم دیر، بو عاشورا اگر کشف اولسا بو یئرده،
گؤرورسن قاره اینینده قارا بزمینده هر یئرده،
دئییر: صدیقه‌ی کبری حسینم وای هر عاشورا.

چمنده زخم اکبر گول ووروب سیراب اولان گول تک،
تحمل یوخدو لایلا ائیله‌ین صبر و تحمل تک،
تؤکر گؤز یاشینی رخساره هر گولشنده بولبول تک،
حسینه "واقف" و "بیخود" یازاندا دفتر عاشورا

□ □ □

حضرت علی اکبرین چاغریشی

بو قدری ائیلمه فریاد باشیم اوسته بابا
غریب و بیکس و مغموم دل شکسته بابا

دورانمیرام بئلیمی سیندیریب، عمود ایله شمر،
ایاقلایب بدنیم فوج - فوج، دسته - دسته بابا
خجالتم بابا جان یوخدو طاقیم گؤروسن،
یارالی دیر بدنیم جسم اولوبدور خسته بابا

دئی قارداشیم منی قویسون آیقین آلتیندا،
قویا آیاغینی زوار سینم اوسته بابا
زبس ده ییبدی یارا جسمیمه اولوبدو ضعیف،
نفس چکنده گلیر قان جسته - جسته بابا

منی یئتیر آنا ما روحوم ائتمه‌میش پرواز،
یقین بو جان چیخاجاق بیر نئچه نفسه بابا
قطاقوشی کیمی قویمازلا هئچ یئره گنده‌سن،
کسیبله شهپرینی، قالموسان قفسده بابا

□ □ □

عاشیقی

گؤز یاشینی یوزه ائیله‌سین روان هرکس اولسا پیغمبر عاشیقی
شبه مصطفی تشنه وئردی جان آغلاماسین علی اکبر عاشیقی

لیلی عرض ائدیب ای جوان اوغول، گئجه صبر قیل بیر دایان اوغول
ائیله‌دین منی باغری قان اوغول، نئیه‌سین علی مادر عاشیقی.

لشگر دغا وئردی ال - اله، عالمه سالیب شور ولوله،
تیر کین اله آلدی حرمله قصد ائدیب، علی اکبر عاشیقی.

دهیدی اصغره اوخ هوا ایلن، آغلادی حسین های و های ایلن،
ساکت ائيله ییب لای - لای ایلن اول کبوتر بی پر عاشیقی

نעش قاسمه فاطمه باخیب، اشک دیده سی سئل کیمین آخیب.
گاهی قامتی زولفونه یاخیب، گه اولوب او مه پیکر عاشیقی.

جان فدا سنه شاه کربلا، سن خلیل سن کربلا مینا،
گور ذبیح اولوب شبه مصطفی، اولدو مادری هاجر عاشیقی.

واقف - ین اولوب عرض حاجتی، قسمت اولو بو قربان زیارتی،
روضه ده دئییه با سلامتی، جمله روضه حیدر عاشیقی.

□ □ □

باجیم آغلا سین

آپار ای بابا منی خیمه یه انام آغلا سین باجیم آغلا سین،
بویور اهل بیت قارا گئییه انام آغلا سین باجیم آغلا سین.

باشیمی قیلیج لاییب اشقیا یوزومه آخیب تۆکدور وبدو قان،
او قدەر بو جسمیمه ده ییب یارا یئتیشبدی سینه مه ایندی جان،
باشیمی قوجا غینه آل بابا، آپار ایندی عمه مهربان،
یوزومه باخیب علی وای دئییه، انام آغلا سین باجیم آغلا سین

یوزوم اوسته زین عقابده دوشوب هر طرفده دولانمیشام
بو گرو هیدن یئتیشن ووروب، ائيله ییب قبول دایانمیشام
بئلیمی عمود ایله سیندیریب، گوروسن نئجه یارا لانمیشام،
بو قبیل لشگر کینینه انام آغلا سین باجیم آغلا سین.

بابا سینه می بو گروه کین آت ایلن آیاقلاییب، آغلاما،
دئمه عمه مه بو مصیبتی اوره یینده ساخلاییب آغلاما
نه قدر من اولمه میشم بابا دیزینی قوجاقلاییب آغلاما
قاییدیب گئده نده مدینه یه انام آغلا سین باجیم آغلا سین.

نه قدره بو اهل شقاوتی واریمیش سن ایله عداوتی،
دئدی لر: وورون سوسوز اولدورون بو نهال باغ امامتی،
اگر اولمه سمده هلاک ائدهر چکه ییلرم بو خجالتی،
آپارانمارام سو سکینه یه انام آغلا سین باجیم آغلا سین

بو آنام، بو جدیم، الینده سو، گتیرییدی ای بابا جان منه،
منی گۆردولر بو قارا ایلن باشیم اوسته گلدیلر شیونه،
بیرنین سویون منه وئردیلر او بیرینده ساخلادیلار سنه،
یئتیشیدی روح سینه‌یه، آنام آغلا سین باجیم آغلا سین.

نه اولار او قانلی جمال ایلن ائدسن بو واقفه بیر نظر،
کئچر عالمیم بو خیال ایله، گئجه - گوندوز ای شه خون جگر،
گۆرورم بو تشنه او حال ایلن، شه دین حضورینه عرض ائده،
آپار ای بابا منی خیمه‌یه آنام آغلا سین باجیم آغلا سین.

□ □ □

اوسته

قوشون توکولدو علی اکبر جوان اوسته،
سنان اوخ اوسته ده‌ییدیر بو گون سنان اوسته.

عقابی ضعف توتوب مطلق العنان ائله‌دی،
هجوم ایلن توکولوب قوم کوفیان اوسته.

خطاب ائدیردی عقابه منی یئتیر آناما،
گۆروب جنازه‌می گل سین باجیم فغان اوسته.

عقاب گلدی کناره آجیب، خدنگیله پر،
او صیدی ائله‌یه صیاددن نهان اوسته.

آپاردی ضعف دوشنده یئره علی اکبر،
فغان ایلن بابا سین سسله‌ییدی جان اوسته.

سوار اولوب شه دین ذولجناحه سرعت ایله،
یئتیشدی اکبرینه جان وئره زامان اوسته.

رکابدن ائله‌ییدیر قدم‌لرین خالی،
ییخلدی شور ایله فرزند مهربان اوسته.

اوغول گۆروب، آتاسین شجه چکدی آجدی گۆزون،
آیاغا دوردو ییخلدی دوباره قان اوسته.

دئدی باغیشلا بابا، بند - بند - دن اوزولوب،
چاپیلار آتلارینی شمر ایله سنان اوسته.

دئدی اوغول قوی اوپوم قان توتان دوداقلارینی،
گؤزوم یاشین ائله ییم سوکیمی روان اوسته.

آلب قوجاقه باشین گؤزلرین تکیب گؤزونه،
دویونجا آغلادی سالار انس و جان اوسته.

دئییردی: یا ولدی چوخ حسینه مشگلدی،
سوسوز جوانینی گؤرسون بو نوع جان اوسته.

علی اکبره رامشگر اول گیلن "واقف"،
نه قدری لطف ایله بو خامه وار بیان اوسته.

□ □ □

ای علی اکبر

اوغول گنده ردی، یاخاردی دالینجا حسرت ایله،
تؤکردی گؤز یاشینی منتهای شدت ایله.

دئدی: اوغول دئیسن، من جهاده عزم ائده رم،
آتام غریب ایدی یالقیز قویوب هارا گئده رم.

باخیب، منه او آلا گوزلرین دولانديرما،
اوره ک یانیر سوسوزوندان دوباره یانديرما.

اولان زمـانیده مشتاق روی پیغمبر،
آلارديم حسرتیمی سندن ای علی اکبر

بو قوم قطع ائده جک نسلیمی اؤزوم بیلیرم،
علی اصغر الیمده دالینجا من گلیرم.

یئنن زماندا اوغول جدیدین زیارتینه،
یئتیر سلامیمی عرض ائت رسول خدمتینه،

اؤزو گلردی قابقجا منی یولا سالدی،
عیالی یالقیز ایدی ساکت ائتمه یه قالدی.

سو اوسته سوت امر اوغلین ور ویدولار عطشان،
رعیتی سوسوز اؤلدوردولر اونی باباجان.

تمامه یئتمه یه جک محنت علی اکبر،
قلم شراره چکر "واقف" اود توتار دفتر

□ □ □

ای فرات

ایچسین دیونجا قوی سنی بولشگر ای فرات،
من آغلایم الیمده علی اصغر ای فرات.

آخدین گوزوم یاشی کیمی تورپاقلار اوسته،
لب تشنه جان وئرنده علی اکبر ای فرات،

عباس گلدی سو گتیرمه یه، سن قویمادین گله،
آغلار سکینه ایندی یولون گوزلر ای فرات.

دامادیم اوئلهمه یینجه سوسوز، راحت اولمادین،
راحت قالیب، قوم اوسته او مه پیکر ای فرات.

بو طفله رحم ائدی، اوره یین قانه دونمه یه،
تا حشر اولونجا قانه دؤنر کوثر ای فرات.

لب تشنه جان وئرهنده الیم اوسته اصغیرم،
ملک نجفده باشه وورار حیدر ای فرات.

جدیم شریعتینده بو طفل - یین گناهی یوخ،
رحم ائتگیلن بخاطر پیغمبر ای فرات.

باخ بیر بو طفله اللریم اوستونده عیش ائدی،
گورسه بو طفلی رحمه گلر کافر ای فرات.

هر قدری من دئدیم سوسوزام وئرمه دین منه،
بو قوم ایلن سن ائيله مه دین باور ای فرات.

صبر ائيله ایندی دونه ره رم قانه رنگینی،
خنچر چکنده شمر ستم پرور ای فرات.

سن شاهد اول، گنبدیدی هامی یار و یاوریم،
بو چؤلده قالماییب منه بیر یاور ای فرات.

"واقف" علی اصغریمه نوحه ذکر ائدهر،
قویماز ذلیل اولا نظر اکبر ای فرات.

□ □ □

فریاده گل گیلن

بیخدیلار ابوالفضلی یا اخی قوملار اوسته فریاده گل گیلن،
بیلیرم قالدی صحراده گل گیلن، تشنه سقایه امداده گل گیلن.
سرنگون اولوب بیئدیم یئتیش دوشدو قوللاریم داده گل گیلن.
گۆردولر الیم یوخدو هر گلن، تیری ووردولار خنچر اوسته،
موجه گلدی دریای اشقیا، فوج ایله گلیر لشگر اوسته،
صفلر اویناییب، لشگر جفا، یوز قویوبدولار پیکر اوستونه،
مشکیم اوخلانیب، قان توتوب گوزوم قالمیشام بو صحراده گل گیلن.
باش سینیب الیم یوخدو قالمیشام ایندی لشگرین وار جسارتی،
تیغ، تیر و شمشیر ایلن گلیر اوستومه بو شامین جماعتی،
گۆزلرم یولون تتر یئتیش آخا، اولدورور بو قومون شماتتی،
مژده وردیلر فوج لشگره، تاب یوخدو سقاده گل گیلن.
پیکریم قالدی صحراده گل گیلن، تشنه سقایه امداده گل گیلن.

□ □ □

اودرگاهه

اوجالدی بیئرق ملت ظهور ائتدی ید بیضا،
ابوالفضل - ین الینده ظاهر اولدو معجز موسی.

عجب معجز ائدیپ ظاهر علی نین ذوالفقار اوغلو،
غضب گیر ائیله نین، مطلب وئره ن دوشمن شکار اوغلو،
عدو بند و هنرمند و رشید نامدار اوغلو،
سالیب اعجاز ایله قلب عدوی ملته غوغا.

ابوالفضل اللرین وئردی نثاراً مقدم شاهه،
اوگون ال تاپماییب حوکم ائیله تاماسوی آلاسه،
اودورکی، قامتی تیتیره باخان وقته او درگاهه،
اولوب اون یئتدی منصب صاحبی مشهوردور سقا.

بونون اعجازی گون تک ظاهر اولموش روم و دئیلیمده،
دیار کفرده هر شیعه قالسا محنت و غمده،
بو مولانی سالیب یاده هرایه سسله نین دمدده،
یئتر فریادینه قویماز قالا مشگلده بو مولا.

حمایل تیغ اندیب بیر سیدہ، سید یئیب کامہ،
گورودور سر برهنہ ائیلہ یبیدیر لطف عمامہ،
اوگون بس ہاردا قالیشدی گل ایدی کوفہی شامہ،
امامین قویما ییدی یاندیرا عمامہ سین اعدا،

نہ حکمت وار گئدہ ندہ کربلادن بی نوا زینب،
باخیب گوردو بویانمیش قانہ خویش اقربا زینب،
فرا تہ دؤندو باخدی سسلہ یبیدیر یا اخوا زینب،
گئدہر شامہ اولوبدور پاسبانی شمر بی پروا.

□ □ □

عباس - ین محبتی

بیخیلدی گرچی فرات اوستہ رایت عباس،
اوجاتدی بئیدق اسلامی شہرت عباس،

اندیددی سیدہ کشکول ایلہ حمایل تیغ،
دوتوبدو عالم امکانی صولت عباس.

دوتوبدو عالمی عباس آدی شجاعت ایلہ،
گلیب تموجہ بحر سخاوت عباس.

عرب ہجوم ائیلہ ییب، ایندی بارگاہیندہ،
وورالار، سینہ، ائدہر لر زیارت عباس.

حسین عزاسینی هر کیم توتوب وورا بئیدق،
حسین ایلہ گرک اولسون علامت عباس.

وئرییدی اللرین حلال مشکلات اولدو،
یئتر جناب یدا. یہ نسبت عباس.

دئییلدی شامدہ باشی آچیق مگر زینب.
نہ دن سکینہ یہ یئتمز حمایت عباس.

گوروب شماتت اعدانی سؤیلہدی زینب،
سکینہ وار سنہ آرتیق محبت عباس

یوزون جدادہ گورورسن دولاندیریر بیردن،
سنین سوسوزلوغووا وار خجالت عباس.

باخار بیزه تۆكولور اشكى، اهل شام گۆرور،
زیاد اولور غم و اندوه، محنت عباس.

فدا او بئیدقه اولسون بو "واقف" - یین روحی،
اوجاتدی بئیدق اسلامی رایت عباس

□ □ □

حضرت عباسین اوره ک سۆزلری

باخیب، سکینه یه عباس سالدی چینینه مشگ،
او قدری آغلادی، آز قالدی مشگی دولدورا اشک.

گلیب حضور شهنشاهه ائیلهدی تعظیم،
دئیردیلر قویولوب شهر لوطه تور عظیم.

سالاردیلار اسدا... غایبی یاده،
دئیردیلر گلیب، اوغلو حسینه امداده.

دولاندی باشینه تعظیم ایلن ائدیب کرنوش،
باخیب، حسینه گلوگیر اولوب وب خاموش.

و بعد عرض ائیلهدی ای امیر ذواکرام،
آتام - آنام منی وئرمیش سیزین جنابه غلام

علی وصیتینه ائیلرم بو چؤلده عمل،
کسیلمه یینجه الیم دامنیدن اؤزمهرم ال

سوسوز قالیب، سارالان رنگیوه اؤزوم قربان.
بلا گلییدی منی ائتگیلن بلا گردان.

مرخص ائت منی ای بست ضییغم و الغزوات،
نفس سالیلم بو دؤنه خیمه گاهه آب فرات.

نفس سنیندیر اگر بیر نفس، نفس وئره سن،
سسیم گلنده منه خیمه لرده سن وئره سن.

بونونلا قهر خدایه اؤزومده آند ایچرم،
بو لشگری گؤتوروب، شهر کوفه دن کئچرم.

وئره ن بو گون منه امر نزول حکم صعود،
بو کوفه نی ائله ییم شهر لوط تک، نابود

ائیدیم نه چاره منه اذن جنگ یوخدور حیف،
زیادین اوغلون مثل مادر ابن صدیف.

بو یوردو حضرت عباسه میر عوض فراش،
قبول ائتمیشم امر شهادتی قارداش،

ال آچما جنگه فقط گئت گیلن فرات اوسته،
باخیبدی حسرت ایلن چکدی آه، اوسته.

بو قوللارین قلم اولسا یقین یازاردی قلم،
سرشک "واقف" اونو محو ائدیب آزاردی قلم.

□ □ □

حضرت عباسین چاغریشی

ییخدیلار عباسی لشگریا آخا ادرک آخا،
قوللاریم دوشدو برادر یا آخا ادرک آخا.

سن باشیمدا تاج سرسن سالمیشام بو تاجی سردن،
بئله وقته اؤز غلامین پادشه سالماز نظردن.
شاهباز عوج قبریم زخمدانیم بال و پردن،
دوشموشم صحراده بی پر یا آخا ادرک آخا.

باشیم اوسته تئز یئتیش ای شاه مظلومان اؤزون سن،
دامن لطف ایله پاکلاشت گؤزلریمدن قان اؤزون سن،
جانیمی وئرم نه دیر، بو جسم ایچینده جان اؤزون سن،
یانندی بو باش بو پیکر یا آخا، ادرک آخا.

گؤزلریمدن اؤخ دهینده، اؤخ دئییب دؤندرمه دیم رو،
شاهدیم دیر نهر القم سویه گیردیم ایچمه دیم سو
تصمیمی قیلدیم مخاطب شیوه همت دئییل بو،
تشنه لب جان وئرسین اصغر یا آخا ادرک آخا.

قوللاریم اولدو قلم کئچمه قلمدن بیر قلم دور،
شکر لله بو تفاخر بسدی کی، قدیم علم دور.
اولسا مین جانیم نثار ائتسم سنین راهیندا کم دور،
ائتمیسن روحوم مسخر یا آخا ادرک آخا.

باشیمی عرشه یئیردیم خاکسار اولدوم یولوندا،
شکر کیم عهد ائتمه ییمده جان نثار اولدوم یولوندا،
اول قدر جهد ائتدیم آخر پایدار اولدوم یولوندا،
قالمایب دیر قید دیگر یا اخی ادرک اخی.

قوللاریم دوشدو، وئیردیم نفسیمه طاقت سن ایله،
چوخ رکاب ایله تکاپو ائیلهدیم من دوشمن ایله
عاقبت دوشدوم آیاقدان بیر عمود آهن ایله
یوخ باشیمدا خوف مغفر یا اخی ادرک اخی.

طاقتیم یوخدور، نه چاره قاتیلیم پرزور قارداش،
ائیله ییبلر، پاره - پاره گؤزلریندن دور قارداش،
جان دوداغیندا باشیمدا وار دوباره شور قارداش،
گردئسین الله اکبر، یا اخی ادرک اخی،

قالمیشام کؤنلومده حسرت امر تسلیم قضا دیر،
تاپمیشام فیض شهادت بند - بندیمدن جدا دور،
قالمایب دیر، قید دیگر یا اخی ادرک اخی.

باشیم اوسته اگله شیب، بو گؤزلریم قانین سیله ایدین،
جسمدن جان آیریلیب دیر صورت حالیم بیله ایدین،
باشیم اوسته اگله شیب بو گؤزلریم قانین سیله ایدین،
گل یولون گؤزلر بو گؤزلر یا اخی ادرک اخی.

واقف عباس نام آور شهید کربلادی،
وار اؤزو اون یئددی منصب صاحب مشگل گشادی،
حاجتین وار نیت ائیله مطلبون اولسا روادی،
دادرس دیر، روز محشر یا اخی ادرک ادرک اخی

□ □ □

سنین

لشگرین شکست اولاییدی یا اخی،
گئتدی عزت و شوکتین سنین،
اذن وئر گئدیم سو گتیرمه یه،
تشنه لب قالیب عترتین سنین

اذن وئر گئدیم جان نثار ائدیم،
 بو گروه ایلن کارزار ائدیم،
 کفر لشگرین تارمار ائدیم،
 دیلده قالماسین حسرتین سنین

تاب ائده نمیرم دود آهه من
 ولوله سالیم بو سپاهه من،
 دؤنده ریم سووی خیمه گاهه من
 یار اولا اگر همتین سنین

من نئجه گؤروم لشگر عدو،
 اهل بیتیه وئرمه سینلر سو،
 من دوروم باخیم گؤر روادی بو،
 طاق ایده الیم طاقتین سنین
 □ □ □

حضرت حسین (ع) - ین جاوابی

دوش بو عزمدهن آلمایم طاقتیم،
 چو خدو صولت، غیرتین سنین
 گؤز تکیب سنه جمله عترتیم،
 عالمی توتوب شهرتین سنین

سد راهسن فوج دوشمنه
 عترتیم هامی گؤز تکیب سنه،
 یاخشی جان نثار اولموسان منه،
 واردی یا اخوا عصمتین سنین،

صف به صف دوروب لشگر عدو،
 اهل خیمه یه وئرمه سینلر سو،
 هانسی شرعه گؤر روادی بو؟
 اولدورور منی فرقتین سنین

باخ بو قوم عدوانه یا اخوا،
 عزم قیلما میدانه یا اخوا،
 قورخورام باتا قانه یا اخوا،
 سرو ناز تک قامتین سنین.

چو خدو حسرت محنتیم منیم،
 یوخ فراقیوه طاقتیم منیم،
 چون سنینله وار الفتیم منیم،
 هم منیله وار الفتین سنین.

"واقف" ائیلہ بو محنتی تمام،
قسمت ائیلہ سین بیر صباح شام،
توزلو قبرینه وئر نچہ سلام،
اولسا الدہ گر فرصتین سنین.

□ □ □

امام حسین (ع) - ین سؤن امری

حسین تشنه لبین امری چون یئتیشدی تمامه،
نه باش قالیدی بدنده، نه ال قالیدی نه جامه

نبات نعلش کیمی قتل گاهه وارد اولاندا،
تؤکولدو نعلشین - ین اوسته مخدرات تهامه.

باشی آچیق یئتیشن صف چکیددی قوللاری باغلی،
امام امرینه اهل حرم یئتیشدی سلامه.

دئییردیلر سنی کیم ظلم ایله بو حاله سالیب،
جواب یوخدو سواله، محل یوخدو کلامه.

اوره یینه باخیب اود چیخدی زینین اوره ییندن،
اوره کله نیب دوداغین قویدو نحر فحر انامه.

گؤروب او حالی چیخیب حالیدن گلیب یئنه حاله،
ایکی سؤز عرض ائدیب اود ووردو چرخ شعبده فامه

بوغازینی ائله ین نحر فحر ائده ایدی منی،
گلییدی کاش بو قلبیم منیم سه شعبه بهامه.

آییردیلار اسرانی جفا ایلن شهدادن،
سینیق کجاوه لر اوسته سالیبلا طرفه نظامه.

یارالی جسم ایله دوردو عیالی نین دالیسینجا،
اذان وئریب اوجا آوایلن بویوردو اقامه.

یانان یانیب، اولن اولدو قالانلارین قولو باغلی،
وورا - وورا یئتیریپ شمر شوم قلعه شامه.

قطاری چکدی یهودی محله سیندن او ظالم،
چیخیب، یهود نصارا تمام غرفه و بامه

دئدی بو قوم سیزین دینیزی ائدییدله برهم،
گتیرمیشم قولو باغلی سؤزو یئتیرمه یه کامه.

ووروبلا نیزه لره اود تۆکدولر کجاوه لر اوسته،
امام قوللاری باغلی ایدی، اود توتوبدو عمامه

وارایدی قدرتی بر باد ائده ایدی کوفه و شامی،
تحمل ائتدی ولی رقت ال وئرییدی امامه.

منی دئییردیم آنام کاش دوغما یایدی ازلدن،
یزید گؤرسه بیزی اوخشادار کنیز و غلامه.

یزید مجلسی نین بسدی واقف ائیلهمه شرحین،
قلم الینده دی چکرسن اؤزگه مقامه.

□ □ □

زینب (ع) - ین احوالاتی

یئتیشدی قتل گاهه دختر شیر خدا زینب،
باشیندا اللری دیلده صدای واخا زینب،

دوروب اوّل قدمده قتل گاهه بیر نظر سالدی،
اونو بیرجه خدا بیلدی خانم نه حالتیه قالدی،
حسینی گؤرمه دی امّا اوزاقدان عطیرینی آلدی،
گولون عطیرین آلان بولبول کیمی قیلدی نوا زینب،

بسان زاده عمران یئتیپ طور حقیقتده،
دیلینده کلمه "ارنی" دایاندی حال حیرتده،
تجلای جمال حق اولوب ظاهر او ساعتده،
ائدیپ "لن" کلمه سین تفسیر اودلاردی ورا زینب.

گوروب اول وادی عشقی ائله بیر شور و غوغادیر،
قورولموش عرصه محشر او چؤلده حشر برپادیر،
ولی حشر قیاس اولماز، او صغرادى بو کبری دیر،
اولوب مستغرق حیرت او بانوی وفا زینب.

باخاندا بیر چوخور یئرده یارالی بیر بدن گؤردو،
او پیکرده نه ال سالیم، نه باش نه پیرهن گؤردو،
قیلیج اوخ، نیزه داش خنجر ووروب هر بیر یئن گؤردو،
بیلیب قارداشی دیر دیلدن، دئدی وا حسرتا زینب.

قیلیج، اوخ پاره سین ازهل کنار ائتدی او دل خسته
آپاردی اللرین نعشین قوجاقه آلدی آهسته،
یخیلمیشدی اوزو قویلو چئویردی آرخاصی اوسته،
اوتوردو باشلادی نوحه، قوروب بزم عزا زینب.

بو "واقف" چوخ سئوهر قبرین ولیکن اولماییب قسمت
نولور بو ایل احبانی منی سن ائيله سن دعوت،
آدیم نوکر اوزوم اما خانیم پابوسونه حسرت،
خانیملار نوکرین آیا بيله ساخلار؟ ایا زینب!

□ □ □

عاشورادن سونرا

بیر شور دوتدو قلبیمی چیخدیم شعوردن،
هر باشعور درک ائده بیلمز بو شورردن

قیلیم مجاز قنطره سیندن مشاهده،
محمودی شور عشق غلام ائتدی زورردن.

تائید وئر ظهورینه گیزلین محبتین،
ای گیزله نن جمالی کمال ظهوردن.

گؤزدن دوشوبدو قلبیمه محبوب جلوه سی،
عکاس غیب پرده سالیبیر بلوردن.

آچ قلبیون گؤزون بو گؤزه باخما کوردور،
راه حقیقتی خبر آلمازلا کوردن

عرض ائتدیگیم کلامی رجوع ائيله قلبوه،
قلبونده بیر خیال ائله اهل قبوردن.

باخ قبرینه قوجاقلاماسن ملک عالمی،
گور عالمی نه نوع کئچر مار و موردن.

آت دیرناغیندا عالمی دیرماخلایب گندهر،
تورپاقه باخمایانلار اولونجه غروردن،

یوخ اعتبار عؤمروه گپ ائت ضرورتاً،
آذوقه ساخلا قبریده مافی ضروردن

واضح امامین حقینه عارف او شخص دیر،
نسبت امامه وئرمه یه نزدیکدی دوردن.

گل شوره سال امام حسینی خیالینه،
ده ییر آب و رنگ صورتینه آب سوردن.

فریاد او وقتدندی پیعمبر اوپن بدن،
تغییر صورت ائله ای ئم و شعوردن.

قان پرده چکدی جسمینه گل - گل اولوبدو چاک،
رخشنده لندی وئردی نشان کوه و طوردن.

چکدی جداده آیه کھفین تلاوتین،
مصباح نور جلوه مشکات نوردن.

گل کربلايه اوغلونو یا خیرة النساء
گؤر بیر نه ظلم اولوبدو بو قوم شروریدن.

بیر باشی کیم پیعمبر ائدهن وقته شستشو،
جبرئیل سو گتیردی شراب طهوردن.

خولی ائوینده دؤور تنوره نظاره قیل،
نور جمالی جیلوه له نییدی قنوردن.

عریان دوشوب، هرایه یئیش ساربان گلیر،
بیر کیمسه یوخ یانیندا انات و ذکوردن.

ائولادینه حمایت ائدهن یوخدو بیر نفر،
بیمارینه شماتت ائدهن چوخ شروردن.

□ □ □

گئتمه لی یم

حسین باجین قالب آواره شامه گئتمه لی یم،
علاج قیل من بیچاره شامه گئتمه لی یم.

سینیق کجاوده زنجیره قوللاریم باغلی،
چکیرلر کوفه ده بازار شامه گئتمه لی یم،

سنین قاباقجا باشین نیزه ده هواده گئدر،
دوشوب دالینجا گونو قاره شامه گئتمه لی یم

عروس بخت قارا قیرمیزی دوداق یئرینه،
سالییدی باشینه بیر قاره شامه گئتمه لی یم،

کنیز ایسته سه لر قورخورام عروس حسین،
سپرده قیل، اونو بیماره، شامه گئتمه لی یم

□ □ □

گئده رلر

عیال دربدرین شامه دست بسته گئده رلر
شمات ائتمه یه شام اهللی دسته دسته گئده رلر.

شکست ائدیب سر یعقوب دینی سنگ شمات،
سینیق کجاوده اطفالی پرشکسته گئده رلر.

ووربلا جور و جفا نانجیب آتلارینا،
حسین گتیرمه یه جولانه نعشین اوسته گئده رلر.

یزید مجلسی نین ثبت صورتین گؤره زینب،
بو ظلم ثبت اولونا محضر اوسته - اوسته گئده رلر.

گهی باشین دالیسنجا دوشوب پیاده قاچارلار،
گهی قاجیب یورولوب گاهی ناقه اوسته گئده رلر.

چمن خزانه گئدیب پرشکسته بولبول اولوبدور،
کیمی پر اوسته دوشوبدو کیمی قفسده گئده رلر.

ولایت اهللی نصارا هدایت ائتمه یه شامه،
ولایتی گؤتوروب بزم بت پرسته گئده رلر.

سینیق کجاوه پیاده قباقدار خار مغیلان،
گون ایستی بیر آغاجی یولدا بیر نفسده گئده رلر.

ائدیرله نقل مکان شامه دیری منزل ائدیرلر،
گزرله کوفه ده بازاری خسته گئده رلر.

□ □ □

خیمه لرین غارتی

آلب قیرخمین سواره حکم غارت آل طاهایه،
گتیرسین آل طاهانی قولو باغلی تماشایه.

وورون اوت خیمه گاهه اهل بیتی دربدر اولسون
 باجی قارداشلارین نعشین گؤروب خونین جگر اولسون
 باش آچماق اکبرین نعشینده لیلایه خبر اولسون،
 آناسی یوخ ابوالفضل - ین توتا ماتم او سقایه.

او قوم بی مروت ائیله ییب اجرا بو فرمانی،
 طنابه چکدیلر یکسر او ساعت آل طاهانی،
 قویوب صحرايه یوز ائولاد حیدر دوتدو صحرانی،
 نئجه عرض ائیله ییم بیچاره لیلا دوشدو غوغایه.

دیلیم لال اول، گؤروب لیلا اوغول نعشین قورو یثرده،
 دوروب رفتاردن قالدی یانیب قلبی گلیب درده،
 گؤروب چوخ نیزه و شمشیر واردير جسم اکبرده،
 قالیب نعش علی اکبر او صحرا ایچره بی سایه.

گؤتوردو باشینی یثردن گوروب شق القمر اولموش،
 باتیب اؤز قانینه جسمی قارا زولفونده قان دورموش،
 وئریب شمشیر ايله منقض عمود ايله سنان وورموش،
 بویانمیش هاشمی خالی دولوب قان چشم شهلايه،

آلیب آغوشینه جسم - ین الین گوردو باتیب قانه،
 یاتیب قلبی او ناکامه گلیبدر آه و افغانه،
 دئدی قربان اولار روحوم سنین تک تشنه قربانه،
 هانی هاجر گلیب باخسین بو قربانه بو مینایه؟

بو اثناده گلیب، خنجر الینده منقص مرّه
 فراموش ائیله ییب حقی گؤتوردو شرمی بالمرّه،
 دئدی عورت کنار اول منده یوخدور رحم بیر ذره،
 یالان سوزدور قیامت سالمیشام عقبای دونیایه.

گلیبیدی غیظه اول ظالم انیدی عرض یا لیلا،
 عمر سعد حکم انیدی، امر یزیدی ائیلرم اجرا،
 کسیم بو نوجوانین باشینی خوف ائتمهرم اصلا،
 اطاعت ائیله ییم مشغول اولام بو امر دونیایه

ائشیتدی بو سؤزو، بو امری، لیلا آه زار ائتدی،
 ووروبدور باشینه حدتله گؤز یاشین نثار ائتدی،
 ییخیلدی هاشمی خال اوسته چشم - ین اشکبار ائتدی،
 گتیردی خاطره عباسی یوز توتدو او سقایه.

دئدی سقای مظلومان اماندور گل یئتیش داده،
الینده خنجر بران اولوبدور منقض آماده،
کسر باشیم قوجاقیمده توانا یوخدو لیلاده،
علاجیم یوخ الیمده قوه تیم یوخدور توانایه.

باخیب زینب نه گوردو، قارداشین دوشمن تراب اوسته،
داغیلیمیش سوره دن سوره پوزولموش آیه دن آیه،

دئدی قارداش زبس قمچی ووروبلار جانہ من یئتدیم،
یاناندا خیمه لر، بیمارینی اوددان کنار ائتدیم،
آنام اوغلو اسیر اولدوم سنی دفن ائتمه میش گئتدیم،
خدایا ساربان ی دوشمه سین اوزگه تمنایه.

□ □ □

باجی

ایاقه دور باشیمی آل گیلن کناره باجی
ائدیب، جگرلریمی زهر پاره - پاره باجی

فلک قارا گونه سالدی عیال فاطمه نی،
لباس قاره گئیپ، آغلا بخت قاره باجی

منیم اشارت ایله لبلریم دوغراندی،
حسین لب - ینه اولور خیزران اشاره باجی

منیم باشیم دیزین اوستونده ایندی جان وئیریم
حسین باشین کسه جک اللی مین سواره باجی

اولنده من ییغیشیر قوم اقربا باشیما،
حسین اولنده تاپیلماز قویان مزاره باجی

اویان گیلن یو خودان وئر خبر حسین گل سین
اولن زماندا جمالین ائدیم نظاره باجی

منیم جنازه می تابوت ایچره اوخلارلار
دوشر حسین بدنی یئرده پاره - پاره باجی

عروس فاطمه دن اولماسین اوگون غافل
ووراندا خیمه لره اهل کین شراره باجی

گئدیب، خبر ائله عباسه باشیم اوسته گله،
او سرو قامته بیر ائيله ییم نظاره باجی

توجه ائيله گیلن «واقف» گنه کاره،
آلا بو وقته حسین باشینی کناره باجی.

□ □ □

حضرت زینبین احوالاتی

آچیبیدی چیتینی قمچی یثرین نشان وئردی
دئدی بیر ایلدی برادر منیم ایشیم بئله دی

بو وضع حالیمی من سندن اؤزگه یه دئمرهم
چمنده چوخ گول ایله بولبولون سؤزو گیلهدی

بدن یانیب خبر آلسان اولوب بنؤشه کیمی
گؤزوم یاشین خبرین توتما چشمه ائله دی

عزیز سلسله بیمارینین آیاغیندا
همین بو قیرمیزی چکمه نشان سله اهدی

منیم باشیم آغاریب اولدو تار سونبول تک
گؤرنده قانلی باشین سنگسار سنگیلهدی

سکینه نی خبر آلسان اولوب خرابه مزار،
دئدیم گئده ک دئدی عمه آیاغیم آبیله دی.

او قیز اؤزون باشین اوسته سالیب دئدی اولورم
دانیشمادین اونونلا سنده بو نه حوصله دی

وئریبدی جان قولو باغلی منیم قوجاغیمدا
اؤزو گلنمه دی مندن سنه سلام ائله دی

یزید ائوی اولا کؤنلوم کیمی منیم ویران
پی میرین ائوینی ظلم الی خراب ائله دی

قیریلدی قوم و قبيله نئجه گئدیم وطنه
منیم مدینه ده فخریم قبيله م ایله دی

□ □ □

بلالی زینب

گلیب حضورنا قارداش حسین (ع) بلالی باجین
دوشوب قاراگونه اینی باشی قارالی باجین

باشین کجاوه یاریب هوش چیخیب باشیندان
خرابه لرده قالیب گول کیمی مثالی باجین

بویور گوروم آنام اوغلو یارالارین نئجه دیر
گئدهنده پیکرینی چوخ گوروب یارالی باجین

نئجه گئدیم وطنه گئتمگه اوزوم گلمز
اوله یدی کاش گوزو گورمه میش بو حالی باجین

قیریلدی قوم و قبیله کیمین امیدینه من
مدینه یه آپاریم بیر بؤلوک عیالی باجین

بو باره ده آنام اوغلو خجالتم سندن
چکر سکینه دن اوترو بو انفعالی باجین

بئله خیال ائیلمه گلدی من گتیرمه میشم
اونون خیالینا دوشدو اولوب خیالی باجین

سکینه اوچ گئجه آج قالدی جان وئره ن ساعت
آلیب قوجاغا باشین آغلایب بلالی باجین

یارالی کونلومه او جان وئره نده قویدو الین
دئیردی قارداش علی گل اولور یارالی باجین

قیامت اولدو اوگون «واقف» عرض ائدیب زینب
گلیب حضورنا قارداش باشی بلالی باجین

□ □ □

حضرت قاسم-ین یار دیم ایستمه سی

ییخدیلا قاسمی آتدان یئره گل داده عمو،
کسمه میش باشیمی دوشمن یئتیش امداده عمو.

یارالاندیم سوسوزام یاندی عطش دن اوره گیم،
بولبولم ناوک خاريله سينيب بال و پریم،
دوداغا جان يتيشيب خيمه ده قالدی نظريم،
جان وئره نده سالی بولبول گولونو ياده عمو.

آنامين قدّینی هجریمده کمان ائيله دیلر،
جدول مصحف رخساریمی قان ائيله دیلر،
جسمیمی ناوک پیکانا نشان ائيله دیلر،
اوقدر زخم دی گلمز سایا تعداده عمو.

سوسوزومدان اوره گیم لاله صفت قانا دؤنوب،
سینه م اوستدن دهین اوخلار صف مژگانا دؤنوب،
گون ووروب یاره یثريم غنچه خندانا دؤنوب،
گؤرسه بو گلشنی بولبول گلی فریاده عمو.

بیر جوانمرگ غریبم گئدیبدن الدن وطنیم،
توی لباسیم داغیلیب توپراق اولوبدور کفنیم،
آتلارین دیرناغی آلتیندا قالیبدير بدنیم،
باشیمی کسمگه دشمن اولوب آماده عمو.

ایستی گون یارا یثريم سوزشی همرازیم اولوب،
جان گلیب سینه مه جانانا طرف عازم اولوب،
خاک خون ایله خصم حجله گهیم رازیم اولوب،
گلجک عمه لریم حجله داماده عمو.

ایسترم باشیمین اوسته یئتیره دین اوزونو،
قان توتان گؤزلره باخ اشکیله دولدور گؤزونو،
گل گوروم بیرده او پیغمبره بنزهر اوزونو،
زندگانلیق منه بیر لحظه دی دونیاده عمو.

بر طرف دن شه لب تشنه دئییردی گلیرهم،
او جوابیندا دئییردی عمو تئز گل اولوره م،
بو دئییردی ای اوغول سن گئده جکسن بیلیرهم،
او دئییردی گئدیرهم جدمه من داده عمو.

ایسترم بیرده رمق سیز بدنی جانی گوروم،
عشق طورینده جمالیندا تجلانی گوروم،
ای یدا... الین آچ بیر ید بیضانی گوروم،
بو کرامت یو خودور حضرت عیسی ده عمو.

«واقفا» تۆک بو مصیبتده اوزه اشک بصر،
 سالکا اشک بصرله ائله رخسارینی تر،
 بیخود ائیلر بو یتیمین سؤزو هر قلبه اثر،
 عرض اندیردی اولوره م تنز یتیش امداده عمو.

□ □ □

قیامت اولور

عم اوغلو قانیله رنگین بو سرو و قامت اولور،
 یارالی دوشسه بو قامت منه قیامت اولور.

نئجه رضا اولوسان بدقدم دئسینلر منه،
 آنان یانیندا بو بختی قارا خجالت اولور.

خدا نکرده سن اولسن اسیر اندهرلر منی،
 حجاز سیز دوه اوستده بیزه شماتت اولور.

یقین دیر منی سندن سوراسویار دوشمن،
 آلارلار معجریمی گوشواره غارت اولور.

سالارلار نعشینی عریان علی اکبر تک،
 سنان و تیغ ایله یکسر بدن جراحت اولور.

اوره کده ساخلاما گیزلین وصیتین دنگیلن،
 بو نوعروسه چتین بیرده استراحت اولور.

جواب وئردی کی ای سرو گلشن عفت،
 وصیتیم سنه واردیر بئله قیامت اولور.

ازل بو دور سنی تانری آنامدان آیریلما،
 دئسم که قیرمیزی سالما نئجه مروت اولور؟

بو قاره معجرینی قانیم ایله الوان ائت،
 عروسه قیرمیزی سالماق ازلدن عادت اولور.

گیرنده شامه اوزه زولفون نقاب ائيله،
 نقاب عارضینه پرده امامت اولور.

قوناقلیغین قالار شامه اسیر اولوب گئدنه،
 یزید بزمی بیزه خاصه بیر ضیافت اولور.

ازل گونده بئله ثبت ائدییدی امر قضا،
اسیرلیک سنه قسمت منه شهادت اولور.

□ □ □

امام حسین باره ده بیر روایت

گوش ائدین ای محب آل عبا
هوشیاران سیّد الشهدا

سیزه معلوم اولما مقام حسین
عزت و رفعت امام حسین

بیرگون اشرف بنی آدم
سیّد الانبیاء رسول امم

واریدی حجله ده جناب رسول
جبرئیل امین ائدییدی نزول

گتدی بیرو حی ائیله ییب تقریر
طبقات جهنمی بیر بیر

گؤردو بیر وحی سیّد اکبر
اوزو جاری ائدییدی اشک بصر

بویوروب جبرئیله ائیله بیان
کیمه مخصوص دور بویئددی مکان

عرض ائدیب ای رسول حن و بشر
کبر و زندیق اوچون جهیم وسعر

ائده جک ویل ایلن جهنمه دخول
بت پرست و جهود قوم ظللول

آلتی مینجی گلیب نصارایه
مشکن عرش فرشه پیرایه

ختم پیغمبر اؤزگه حالا قالیب
گول کیمی رنگی خوف دان سارالیب

بویوروب جبرئیله پیغمبر
یئددی مینجی مقامی ائیله خبر

جبرئیل عرض ائدیب بناله و آه
سیزین اُمّت دی یا رسول الله

اشرف کائنات قیلدی فغان
دؤندو و اُمّتا دئییب او زامان

قایینی باغلایبیدی شاه حجاز
مسجد ایچره گلیردی وقت نماز

ائدیب اصحاب لن فریضه ادا
منزلینه گلیب ائدیردی نوا

گئجه گوندوز غریق محنت ایدی
فکری ذکری خیالی اُمّت ایدی

قالدی واله مهاجر و انصار
کیم بو اسراری ائيله سین اظهار

گلدی سلمان بتول خدمتینه
نور چشم رسول خدمتینه

عرض ائدیب ای شفیعه محشر
نئچه گوندوز جناب پیغمبر

گئجه گوندوز فغان ناله ائدیر
قلبینی آشیان ناله ائدیر

ائشیدیب بو سؤزو جناب بتول
بو مصیبتدن اولدو زار و ملول

چادرین سالدی باشینا او زامان
محسنی سقط اولان قاپیسی یانان

حجله دن چیخدی مادر حسنین
دؤندو گؤردو گلیر دالینجا حسین

ظاهراً سینى اوچ یاشیندا ایدی
شورش کربلا یاشیندا ایدی

عرض ائدیب آی آنا هارا گئدیرسن؟
منده گلم او یثره کی عزم ائدیرسن

بو یوروب نوگول امامتینه
گئدیره م جدین زيارتینه

چادریندان یاپیشدی فاطمه نین
دئدی گللم آنا یانینجا سنین

اوز قویوب گلدیلر شتاب ایله
یوز ملال ایله اضطراب ایله

منزله آز قالیب یئته زهرا
گلدی تعجب ایله سید الشهدا

خیرداجا اللریله وئردی تکان
دئدی جدا اولوم سنه قوربان

یوگور و بدور او نور چشم بتول
قاپینی باغلی گوردو اولدو ملول

قاپینی باغلاما منیم اوزومه
اشکی دولدورما قان دولان گوزومه

جبرئیل ائيله ییب نزول او زامان
عرض ائدیب مصطفایه قیلما فغان

امر ائدیب خالق ای رسول الله
قویما چکسین حسین ناله و آه

قویما گوز یاشین ائيله سین جاری
هامیدان ای بویوک اولان تاری

منیم اوز عزتیمه آند اولسون
امتینده گناه نه قدر اولسون

ائيله ره م جمله وقف محشر
بو حسین باشینا تصدق سر

اشرف کائنات اولوب خرّم
آچدی تعجیل ایله قاپینی او دم

آلدی نوباهه سین قوجاغینا
دوداغین قویدو گول دوداغینا

بویوروب ای پیغمبرین مددی
بابی انت امی یا ولدی

وار یثری جان وئرم فدا سته من
چون معین شریعتیم سن سن

راضی اولمازدی خالق ایله رسول
بو حسینی اولاهاندا ملول

□ □ □

زیدنساج-ین احوالاتی

ساقیا باده وئر بونا، شاده
شاد قیل قلبیمی گؤتور باده

مردم دیده دن گؤتور پرده
وئر تجلای نور ساغرده

مست ائدی باده خمار منی
قیلدی مجنون خیال وار منی

طوطی طبع آچیب یئنه شهیر
وردی ذکری اولوبدو یا حیدر

بیر روایت یازیب بو مولادن
اؤز کیتابیندا صاحب مخزن

کوفه شهرینده بو روایت اولوب
زید نساجدن حکایت اولوب

بو حدیثی بو نوع نقل ائدهر
منه قونشو ایدی بیر کریه نظر

بیر نفر زشت روی بد فطرت
شخص بالا بلند و باهیت

صحنه یه اوز قویوب بو نیت اوچون
گؤتوره بو قضای حاجت اوچون

داخل صحن اولوب ائدهنده نظر
گوردو بیر شخص اوردا غسل ائدهر

چـینینه ائـیله‌ینده نـظاره
نـظره گـلدی بـیر بـؤیوک یـاره

گـؤردوم اطـرافـی باغـلایـیدی پـینه
ال گـیره‌ردی او یـارانـین ایـچینه

سـؤیله دیم گـل بـحق هـشت و چـهار
مـنه بو سـیرـی ائـتگیـلن اظـهار

دؤندو بـیر غـیض ایلن باخـیب اوزومـه
گـلدی رـحمی یـئنـه مـنیم سـؤزومـه

دئدی بو سـیرـی ائـیلمـه اظـهار
ائـتسن اظـهار ائـیلرـهـم آزار

نـئچه ایل بو زامانـدان ایرـه‌لی
واردی مـنده ضـرب و شـصت ولی

مـنه اولمازدی کـوچه ایـچره حـریف
واریدی زور خـارج از تـعریف

واریدیق بـیر نـئچه رفـیق شـفیق
هامی بـی‌اعـتـنا دزد طـریق

کـوفـه‌ده جـور بـی حـساب ائـله‌دیک
هر یـانا اوز قـویوب خـراب ائـله‌دیک

بـیر گـون ایلـه شـمیشـدیک نـظام ایلن
تـاپمیشـدیک پـرورش مـرام ایلن

بـئله وئـردی قـرار اول یـاران
هـره بـیر دـفعـه ائـیله سـین مـهمان

قـالدی بـیر گـون مـنه یـئنـه نوبـت
ائـوه گـلدیم دئـدیم ایـا عـورت

دئگیـلن سـن بو مال دـونیا‌دا
هـئـچ گـمانـین وارینـدی بـیر زادا

آپـاریب خـرج رایگان ائـیله یک
بو گـئـجه صـرف میهمان ائـیله یک

دئدی عورت بو سۆز ندیر دئیسن؟
منی آج قویموسان گئدیب یئیسن؟

منه بیر گون نهار و شام اولسون
زندگانلیق سنه حرام اولسون

عورتین بو سۆزو ائدیب تأثیر
قتل ناحقه باغلادیم شمشیر

چیخدیم ائودن شتابلن او زامان
گؤرسم هر کیمسه نی ائدیم عریان

چون چیخاندا ائویمدن اول گئجه من
بیر یامان حال یوز وئریب مندن

خندق کوفه ده کمین ائیلهدیم
قصد اسلام و ترک دین ائله دیم

گئجه نین دورموشام او باشیندا
نجف کربلا آراسیندا

گئجه دن کئچدی بیر نئچه ساعت
اوندا گؤردوم گلیر ایکی عورت

دوردوم عورتلرین کسیب یولونو
بیرنین توتدوم اول زامان قولونو

دئدیم عورت هارا عزمیز وار
گئجه وقتینده ائتگیلن اظهار

گؤردو عورت منی اولوب گریان
اولدولار برگ بید تک لرزان

من دئدیم ائیله یین لباسی کنار
آغلا ییب مندن ایسته دی زینهار

دئدی عورت لرین بیری او زامان
بیزه وئر عرضیمی دئینجه امان

او قیزین ای جوان توتوبسان الین
گئده جک دیر او قیز صاباحا گلین

بیرسی نوعروسه بنظر ایدی
هامی اعضاسی غرق زیور ایدی

منه همسایه دیر او بیچاره
عشقی وار خاندان اطهاره

سنین ایندی الینده ناچاریق
قبر شیر خدایا زواریق

عصر وقتی گلیب به دیده نم
منی شیر خدایا وئردی قسم

دئدی گل اول منیله سن همراه
عزم ائدهک روضه ولی الله

قورخورام من گئدهم قالام نگران
صاحبیم اذن وئرمه یه آناجان

قالا قلبیمده محنت و حسرت
آقا مین قبری اولمایا قسمت

نجفین سمتینه روان اولدوق
گلدیک ایندی سنه دوچار اولدوق

او قیزین گؤرجگین وجاهتینی
ایسته دیم قطع ائدیم بکارتینی

هامی زیور لرین توتوب آلدیم
قوللارین باغلاییب یثره چالدیم

نه قدر یالواریب او بیچاره
ائتمه دیم رحم، گلدی زینهاره

حسرتیله باخدی هر طرفه
دؤندو توتدو اوزون راه نجفه

سسله یب وئر بو بینوایه نجات
اسداله ضیخم الغزوات

سنی آند وئرهم قسم خداونده
قویماز زوارینی سر افکنده

بو کشاکشده بیر مهیب صدا
طـرف دشتدن اولوب پیدا

بیر سواره چیخیب مهابتلن
منه هی ووردو چوخلو سرعتلن

چک الین ای ستمگر خونخوار
ائـتمه زواریما منیم آزار

بو صدا گلمه ییب منیم گوژومه
بئله فکر ائتدیم من اوژوم اوژومه

بونلاری بو دیاردا قویارام
او گلن شخصی ده گئدیب سویارام

او سواره سمنده ووردو رکاب
یئتیریدی اوژون چون تیر شهاب

برق شمشیر آشکار اولدو
کتفیم آماج ذوالفقار اولدو

توپراق اوسته دوشوب دوشون نشعین
دئـدیم التوبه یا ابا الحسین

رحمه گلدی ولی سبجانی
جود گنجی مروتین کانی

دئدی گئت راحت اول گیلن زینهار
ائـتمه زواریمه منیم آزار

ای ولی خـدای لم یـزلی
هـدای ماسوا علی ولی

نیه بس گلمه دین امیر عرب
سو یولان وقتده قیزین زینب

او قدەر تازیانه ووردو سپاه
زنقی تک پیکری اولوبدو سیاه

کوفه اهلی نظام ایلن دوردو
خیمه گاه حسینی یاندیردی

خیردا قیزلار توتوبدولار آتش
یخیلیب خوفدن ائيله ديلر غش

اهل بیتین قاچاردی هر طرفه
دوندو زینب اوزون راه نجفه

سنی چوخ سسله ییب ائدیب شیون
باغلایاندا طنابلن دوشمن

نیه بس گلمه دین او صحراده؟
قالدی حسرت عروس داماده؟

تاپدی نعشین حسین زینب،
چاک ائدیب اسب نانجیب عرب.

دئدی ای پایمال اولان کیم سن!
بئله معلوم اولور حسینیم سن!

ای وئرن تشنه جان حسینیم وای!
اصغری اوخلانان حسینیم وای

□ □ □

زینبانا له مکن خواهر اگریه مکن

شمر بر کشتن من دست به شمشیر کند
حکم آورده تو را بسته به زنجیر کند
خواهرا ناله مکن زینبا گریه مکن

اکبر اندر بر من طعمه شمشیر شود هدف تیر شود
اصغر اندر بغلم تیر گلوگیر کند
خواهرا ناله مکن زینبا گریه مکن

آه اسیری تو ای خواهر غمدیده من روشن دیده من
دائم این درد و غم غصه ترا سیر کند
خواهرا ناله مکن زینبا گریه مکن

بی کسان را بره شام پرستاری تو یار و غمخواری تو
اهل بیتم همگی بسته بزنجیر کند
خواهرا ناله مکن زینبا گریه مکن

قتل عباس شود به توقع قضا داده ام خویش رضا
کمرم می شکند باز زمین گیر کند
خواهرا ناله مکن زینبا گریه مکن

زلف داماد ز خون رنگ حنا کرد از آن
تا دم حشر غمش بر همه تأثیر کند
خواهرا ناله مکن زینبا گریه مکن

□ □ □

حضرت زینب شام دا

زینب لب حسین ده گؤروب چوب خیزران،
قلبی یانیب بو نوع یزیده ائدیب بیان:

وورما آغاج بو تشنه لیه بی گناه دیر،
عالی مقام دیر بو حبیب الله دیر،

اینجیتمه چوخ بو باشی حسین باشی دیر بو باش،
بو باشا فاطمه سینه سی خوابگاه دیر.

آه سکینه سالدی شراره بو مجلسه،
آغلیر حرملری دئمیرسن بو نه آه دیر.

بو قان اولان اوره کلری ائتمه دوباره قان،
یاندیرما قلب زینبی غم جایگاهی دیر.

پیغمبر اوغلودور بو جگر گوشه بتول،
هم برج امامت ده ماه دیر.

سو وئرمه ییبیدی تشنه کسیب شمر باشینی،
آثاری لب لرینده وار الله گواه دیر،

باشین بو ذلت ایله قیزیل تشنه قویموسان،
ائتدین اسیر عیالینی چوخ اشتباه دیر.

قیرخ منزلی سینه میهمان گلیب،
چوخ اینجیب بو رنجور راه دیر.

اهل حرملری باخیری ال گؤتور داخی،
ظولموندن ال گؤتور بو حرم پادشاهی دیر.

تقصیری بو باشین نه دیر بو نئيله ییب سنه؟
یوخسا گلیر خیالینا بی دادخواه دیر.

عباس تک واریدی علمداری بو شهین،
لب تشنه جان وئریب اؤزوده بی سپاه دیر.

آز طعنه وور شماتت ائيله بو اسیرلره،
آخر بنات فاطمه بی سرپناهی دیر.

چوخدا بو سلطنت سنی مغرور ائتمه سین،
اؤلدورموسن امامی بیل عؤمرون تباه دیر.

پوزدون هامی اساسیمیزی ظلم لن بیزیم،
کرب بلاده گئتدی اوکی عز و جاه دیر.

باشی آچیق برابرینده ساخلادین ولی،
پرده دالی حرم لرینه ایستگاه دیر.

واقف اولونجه چکمه حسین دامنین دن ال،
ذکر حسین علفت محو گناه دیر.

□ □ □

حضرت علی نین ضربت لنمه سی

دولوبدور ایندی کوفه زینبین آه فغانیندن،
اولوب شیر خدانین سجده گاهی رنگ قانیندن.

نماز صبح اولجاق ابن ملجم چون نهان دوردو،
دل خیر النسانی عالم معناده یاندیردی،
کمین ائتدی باشیندان تیغ زهرآلودلن ووردو،
اولوب فزت برب الکعبه جاری او ساعتدن.

مگر بو غم گئدهر محشر اولونجا قلب عالم دن،
بنای دین اولوب برهم جفای ابن ملجم دن،
باشی اوسته حسن باشین آچیب آغلاردی بو غمدن،
حسین سرمشق گؤتدو حق یولوندا کئچدی جانیندان،

دوشربو ماجرادن قصہ کرب بلا یادہ،
ایکی کافر حسین قصدینہ دوشموشدو او صحراہ،
بیری باشین بیر ال کسمگہ اولموشدو آمادہ،
آمان شمیرین جفاسیندان فغان یوز ساربانیندن.

علی باشی قیلجیلاندی اگر دوغراندی عمامہ،
حسینین باشی اما نیزہ باشیندا گئدیب شامہ،
یزیدین مجلسی آل علی لعنت بو ایامہ،
امان اهل تماشادان یزیدین خیزاریندن.

خلیل اللہ ثانی قالمادی ترک ائتدی مینانی،
کسیلدی کربلا دشتینده یثتمیش نچہ قوربانی،
کئچیب شبہ پیغمبردی اوغول سوز قویدو لیلانی،
حسین تک کیم کئچیب اکبر کیمی تازه جوانیندان.

□ □ □

حضرت موسیٰ ابن جعفر

ای دل گتیر خیالینا موسیٰ ابن جعفری
زنداندان حسرتیلہ وئرن جان او سروری

اون یئدی ایل او سروری محبوس ائتدیلر
تحلیلہ گئندی جسمده جسم مطہری

آخیردا وئردیلر او شہ زہر کینہنی
خاموش ائیلہ ییلر چراغ پیغمبری

اوج گون قالب جنازہ سی زنداندا بی کفن
یئردن گؤتورمہ دی بیری اول شاه محشری

نہ بیر نفر اولوب آچا زنجیرین اول شہین،
نہ کیمسہ اولدو دفن ائیلہ سین بسط حیدری.

گلدی آتاسینین باشی اوستہ او دم رضا،
از بس کی آغلامیشدی قیزارمیشدی گؤزلری.

گؤردو جان وئریب آتاسی چوخ ملال ایلن،
آلدی باشین دیز اوستہ تۆکوب دیدہ دن تری.

باخدی اوغول جمالینا جانین وئریب امام،
گتدی ملولہ او شہ علویہ مفخری.

نه یاخشی آرزی دیر آتا اولاجان وئره ن زامان،
اولسون جوان آتانین عین منظری.

اُمّا دیار کرب بلاده بو عکس اولوب،
باخدی حسین اؤز اوغلونا آرتییدی غم لری.

آندان دوشوب اوغول آتاسین داده سسله ییب،
گلدی حسین تاپدی شبیه پیغمبری.

گؤردو قیلج لانیب باشی شمشیر کین ایله،
یادا سالیب او ضربت کین فرق حیدری.

قطعه به قطعه اکبرینی گؤردو دوغرائیب،
قانی آخیب او قانیله رنگین دی تئل لری.

باشین آلیب دیز اوستونه سسله ندی یا علی،
دیندیر گیلن اوغول من بی یار و یاور ی.

قلبی تسلّی تاپمادی قویدو اوزون اوزه،
آغوشونا باسییدی او شه نعلش اکبری.

گلمز یئنه تسلّی یه قلبی او بی کسین،
سیلدی دوداقلاریندان او دم خون احمر ی.

قویدو دوداقلارین دیلینه اؤپدو دیشلرین،
چولقلا ییب عبّاسینا او گرانمایه گوهر ی.

شبه رسولو گتدی خیامه او دم امام،
چون منتظر قالیدی بیلیردی حرم لری.

بیر یاندا عمّه لر ائیله ییب جاری گؤز یاشین،
بیر یاندا گلدی ناله یه بی چاره خواهر ی.

خیمه آرا حیا ائیله ییب دیشره چیخمادی،
اشکین تئوکوردو آه و نوا ایله مادری.

سؤیلردی ای اوغول آنانین گئتدی عزّتی،
تئوکدون عجب بو دشتیده باشیما کوللری.

بوندان سورا داخی علی گلمز آنان سنین،
اولام اسیر یئنه دولاننام بو چؤللری.

□ □ □

امام حسین (ع) عباسین باشی اوسته

ای تشنه جان وئره ره جاناندا دور گئدهک،
یالقیز قویان منی بو بیاباندا دور گئدهک.

قارداش هاوا چوخ ایستی دی بو نوع قویمارام،
جسمین یارالی دیر قالا میداندا دور گئدهک.

سو وعده سی سکینه یه وئرمیشدین اولمادی،
قوی مشک ایلن بو اللری بیر یاندا دور گئدهک.

سیندی بئلم آت اوسته دورام یوخدور طاقیم،
دوره م احاطه ائیلهدی دوشماندا دور گئدهک.

□ □ □

عباسین جاوابی

ای آفتاب برج امامت نئجه گئدیم،
دوشمنلریم ائدیرلر شمات نئجه گئدیم.

باشیم سینیب سینهم ده لینیب مشکیم اوخلانیب،
بو نوع لن وئریم سنه زحمت نئجه گئدیم.

سن گئت گیلن سکینه سوال ائتسه وئر خبر،
عباسی قویمادی گله غیرت نئجه گئدیم.

بیر حسرتیم قالب بو گئجه بیلمیره م اخوا،
کیم ائیلر اهل بیتی حراست نئجه گئدیم.

السیز لیگیم آلبدیر الیمدن سو مشکینی،
اصفردن ائیله ییدی خجالت نئجه گئدیم.

□ □ □